

Rumantsch è ina lingua naziunala, ma ina lingua parzialmain uffiziala da la Confederaziun, numnadama en la correspundenza cun persunas da lingua rumantscha. La translaziun d'in decret federal serva a l'infurmazjun, n'ha dentant nagina validat legala.

Constituziun federala da la Confederaziun svizra

dals 18 d'avrigl 1999 (versiun dals 23 da settember 2018)

Preamble

En num da Dieu il Tutpuissant!

Il pievel svizzer ed ils chantuns,

en lur responsabladad envers la creaziun,

cun l'intenzion da renovar la lia, per mantegnair la libertad e la democrazia, l'indipendenza e la pasch en solidaridad ed avertedad vers il mund,

cun la voluntad da viver lur varietad en l'unitad en toleranza e respect vicendaivel, consciens da las prestaziuns communablas e da la responsabladad envers las generaziuns futuras,

savend che liber è be quel che dovra sia libertad e che la fermezza dal pievel sa mesira vi dal bainstar dals flaivels,

*sa dattan la sequenta constituziun:*¹

1. titel Disposiziuns generalas

Art. 1 Confederaziun svizra

Il pievel svizzer ed ils chantuns Turitg, Berna, Lucerna, Uri, Sviz, Sursilvania e Sut-silvania, Glaruna, Zug, Friburg, Soloturn, Basilea-Citat e Basilea-Champagna, Schaffusa, Appenzell Dadens ed Appenzell Dador, Son Gagl, Grischun, Argovia, Turgovia, Tessin, Vad, Vallais, Neuchâtel, Genevra e Giura furman la Confederaziun svizra.

AS 1999 2556

¹ Acceptà en la votaziun dal pievel dals 18 d'avr. 1999 (COF dals 18 da dec. 1998, COCF dals 11 d'avust 1999 – AS 1999 2556; BBI 1997 I 1, 1999 162 5986).

Art. 2 Intent

¹ La Confederaziun svizra protegia la libertad ed ils dretgs dal pievel e mantegna l'independenza e la segirezza dal pajais.

² Ella promova la prosperitat communabla, il svilup durabel, la coesiun interna e la varietad culturala dal pajais.

³ Ella procura per in'egalitatad da schanzas uschè gronda sco pussaivel tranter las burgaisas ed ils burgais.

⁴ Ella s'engascha per il mantegniment durabel da las basas natiralas da la vita e contribuescha ad in urden internaziunal paschaivel e gist.

Art. 3 Chantuns

Ils chantuns èn suverans, sche lur suveranitad na vegn betg limitada da la Constituziun federala; els exerciteschan tut ils dretgs che n'èn betg attribuids a la Confederaziun.

Art. 4 Linguas naziunalas

Las linguis naziunalas èn il tudestg, il franzos, il talian ed il rumantsch.

Art. 5 Princips da l'activitatad dal stadi da dretg

¹ Il dretg è la basa ed il limit da l'activitatad dal stadi.

² L'activitatad dal stadi sto esser en l'interess public ed en proporziun a l'intent.

³ Ils organs dal stadi e las personas privatas ageschan tenor la buna fai.

⁴ La Confederaziun ed ils chantuns resguardan il dretg internaziunal.

Art. 5a² Subsidiaritad

Tar l'attribuziun e tar l'adempilment d'incumbensas dal stadi sto vegnir resguardà il princip da la subsidiaritad.

Art. 6 Responsablidad individuala e sociala

Mintga persona porta la responsablidad per sasezza e contribuescha tenor sias pus-saivladads ad ademplir las incumbensas en il stadi ed en la societad.

² Acceptà en la votaziun dal pievel dals 28 da nov. 2004, entrada en vigur ils 1. da schan. 2008 (COF dals 3 d'oct. 2003, COCF dals 26 da schan. 2005, OCF dals 7 da nov. 2007 – AS 2007 5765; BBl 2002 2291, 2003 6591, 2005 951).

2. titel**Dretgs fundamentals, dretgs dals burgais e finamiras socialas****1. chapitel Dretgs fundamentals****Art. 7** Dignitat umana

La dignitat da l'uman è da respectar e da proteger.

Art. 8 Equalitat giuridica

¹ Tuts umans èn equals avant la lescha.

² Nagin na dastga vegnir discriminà, particolarmain betg pervia da l'origin, da la razza, da la schlattaina, da la vegliadetgna, da la lingua, da la posiziun sociala, da la persvaziun religiusa, filosofica u politica u pervia d'in impediment corporal, spiertal u psichic.

³ Um e dunna han ils medems dretgs. La lescha procura per lur equalitat giuridica ed effectiva, spezialmain en quai che pertutga la famiglia, la scolaziun e la lavur. Um e dunna han il dretg da la medema paja per ina lavur equivalenta.

⁴ La lescha prevesa mesiras per eliminar ils dischavantatgs da persunas impeditadas.

Art. 9 Protecziun cunter arbitrariadad e mantegniment da la buna fai

Mintga persuna ha il dretg da vegnir tractada dals organs dal stadi senza arbitrariadad e tenor la buna fai.

Art. 10 Dretg da la vita e da la libertad

¹ Mintga uman ha il dretg da la vita. La paina da mort è scumandada.

² Mintga uman ha il dretg da la libertad persunala, particolarmain da l'integritad corporala e spiertala e da la libertad da sa mover.

³ La tortura e mintg'autra sort da tractament e chasti crudaivel, inuman u degradant èn scumandadas.

Art. 11 Protecziun dals uffants e giuvenils

¹ Uffants e giuvenils han il dretg d'ina protecziun particulara da lur integritad e d'ina promozion da lur svilup.

² Els fan diever da lur dretgs en il rom da lur capacitat da giuditgar.

Art. 12 Dretg d'agid en situaziuns da basegn

Tgi ch'è en ina situaziun da basegn e n'è betg abel d'avair quità per sasez ha il dretg da quel agid, quell'assistenza e quels meds ch'en indispensabels per in'existenza degna d'in uman.

Art. 13 Protecziun da la sfera privata

¹ Mintga persuna ha il dretg dal respect da sia vita privata e da famiglia, da sia abitaziun sco er da sia correspundenza e da ses traffic da posta e da telecommunicaziun.

² Mintga persuna ha il dretg d'esser protegida cunter l'abus da sias datas persunalas.

Art. 14 Dretg da matrimoni e famiglia

Il dretg da matrimoni e famiglia è garantì.

Art. 15 Libertad da cretta e consciencia

¹ La libertad da cretta e consciencia è garantida.

² Mintga persuna ha il dretg da tscherner libramain sia religiun e sia persvasiun filosofica e da las confessar individualmain u en cuminanza cun auters.

³ Mintga persuna ha il dretg da sa participar ad ina cuminanza religiusa u d'appartenir ad ina tala e da suandar in'instrucziun religiusa.

⁴ Nagin na dastga vegnir sfurzà da sa participar ad ina cuminanza religiusa u d'appartegnair ad ina tala, d'ademplir in'acziun religiusa u da suandar ina instrucziun religiusa.

Art. 16 Libertad d'opiniun e d'infurmazion

¹ La libertad d'opiniun e d'infurmazion è garantida.

² Mintga persuna ha il dretg da furnar, d'exprimer e da derasar libramain sia opiniun.

³ Mintga persuna ha il dretg da retschaiver libramain infurmaziuns, da sa procurar quellas or da funtaunas generalmain accessiblas e da las derasar.

Art. 17 Libertad da las medias

¹ La libertad da la pressa, dal radio e da la televisiun sco er d'autras furmas da derasaziun publica da producziuns ed infurmaziuns tras meds da telediffusiu è garantida.

² La censura è scumandada.

³ Il secret da redacziun è garantì.

Art. 18 Libertad da lingua

La libertad da lingua è garantida.

Art. 19 Dretg d'instrucziun da scola fundamentala

Il dretg d'instrucziun suffizienta e gratuita da scola fundamentalala è garantì.

Art. 20 Libertad da la scienza

La libertad da l'instrucziun e perscrutaziun scientifica è garantida.

Art. 21 Libertad da l'art

La libertad da l'art è garantida.

Art. 22 Libertad da reunions

¹ La libertad da reunions è garantida.

² Mintga persuna ha il dretg d'organisar radunanzas, da prender part a radunanzas u da star davent da talas.

Art. 23 Libertad d'associazion

¹ La libertad d'associazion è garantida.

² Mintga persuna ha il dretg da furmar associazions, da sa participar u d'appartegnair a talas u da far part da las activitads d'associazions.

³ Nagin na dastga vegnir sfurzà da sa participar u d'appartegnair ad in'associazion.

Art. 24 Libertad da domicil

¹ Svizras e Svizzers han il dretg da sa domiciliar en tge lieu dal pajais ch'els vulan.

² Els han il dretg d'abandunar la Svizra u da returnar en Svizra.

Art. 25 Protecziun cunter l'expulsiun, l'extradizion ed il repatriament

¹ Svizras e Svizzers na dastgan betg vegnir expulsads da la Svizra; els dastgan vegnir extradids ad in'autoritat estra be cun lur consentiment.

² Fugitivs na dastgan betg vegnir repatriads u extradids en in stadi nua ch'els vegnan persequitads.

³ Nagin na dastga vegnir repatrià en in stadi nua che smanatscha tortura u in'autra sort da tractament u chasti crudaivel ed inuman.

Art. 26 Garanzia da la proprietad

¹ La proprietad è garantida.

² Expropriaziuns e restricziuns da la proprietad sumegliantias ad in'expropriaziun vegnan indemnissadas cumplainamain.

Art. 27 Libertad economica

¹ La libertad economica è garantida.

² Ella cumpiglia particularmain la tscherna libra da la professiun sco er l'access liber ad in'activitat da gudogn da l'economia privata ed a l'execuziun libra da quella.

Art. 28 Libertad sindicala

¹ Las laverantas ed ils laverants, las patrunas ed ils patrums sco er lur organisaziuns han il dretg da s'alliar per proteger lur interess, da furmar associaziuns e da sa participar u da star davent da talas.

² Disputas èn da reglar tenor pussaivladad sin via da tractativas u da mediaziun.

³ Il dretg da chauma ed il dretg d'exclusiun èn admess, sch'els pertutgan las relaziuns da laver e na s'opponan betg a las obligaziuns da mantegnair la pasch da la laver u da manar tractativas da mediaziun.

⁴ La lescha po scumandar la chauma a tschertas categorias da persunas.

Art. 29 Garanzias generalas da procedura

¹ Mintga persuna ha, en proceduras avant instanzas giudizialas ed administrativas, il dretg d'in tractament equal e gist sco er d'in giudicament entaifer in termin comensurà.

² Las partidas han il dretg d'attenziun giuridica.

³ Mintga persuna che na dispona betg dals meds necessaris ha il dretg d'ina procedura gratuita, sche sia dumonda da dretg ha ina schanza da success. Uschenavant che quai è necessari per mantegnair ses dretgs, ha ella ultra da quai il dretg d'ina assistenza gratuita d'in defensur.

Art. 29a³ Garanzia da la via giudiziala

En cas da disputas giuridicas ha mintga persuna il dretg da vegnir giuditgada tras in'autoritat giudiziala. En cas excepcionals pon la Confederaziun ed ils chantuns excluder tras lescha il giudicament giudizial.

Art. 30 Proceduras giudizialas

¹ Mintga persuna, da la quala ina chaussa sto vegnir giuditgada en ina procedura giudiziala, ha il dretg d'ina dretgira stabilida da la lescha, cumpetenta, independenta e nunpartischanta. Dretgiras d'excepziun èn scumandas.

² La persuna, cunter la quala i vegn purtà in plant civil, ha il dretg che la chaussa vegnia giuditgada da la dretgira da ses lieu da domicil. La lescha po prevair in'autra instanza giudiziala.

³ La debatta giudiziala e la pronunzia da la sentenzia èn publicas. La lescha po prevair excepiuns.

³ Acceptà en la votaziun dal pievel dals 12 da mars 2000, entrada en vigur ils 1. da schan. 2007 (COF dals 8 d'oct. 1999, COCF dals 17 da matg 2000, COF dals 8 da mars 2005 – AS 2002 3148, 2006 1059; BBI 1997 I 1, 1999 8633, 2000 2990, 2001 4202).

Art. 31 Privaziun da la libertad

¹ Ina persuna dastga vegnir privada da la libertad sulettamain en ils cas previs da la lescha sezza e mo en la furma prescritta en quella.

² Mintga persuna che vegn privada da la libertad ha il dretg da vegnir infurmada immediat ed en ina lingua chapaivla davart ils motifs da la privaziun da la libertad e davart ses dretgs. Ella sto avair la pussaivladad da far valair ses dretgs. Ella ha oravant tut il dretg da laschar orientar ses confamigliars pli stretgs.

³ Mintga persuna messa en arrest d'inquisiziun ha il dretg da vegnir manada immediat avant ina derschadra u in derschader. La derschadra u il derschader decida, sche la persuna vegn tegnida vinavant en arrest u sch'ella vegn laschada libra. Mintga persuna en arrest d'inquisiziun ha il dretg d'ina sentenzia entaifer in termin comensurà.

⁴ Mintga persuna che vegn privada da la libertad senza l'ordra d'ina dretgira, ha da tut temp il dretg d'appellar ad ina dretgira. Quella decida uschè speditivamain sco pussaivel davart la legalitat da la privaziun da la libertad.

Art. 32 Procedura penală

¹ Mintga persuna vala sco innocentia fin che la condemnaziun ha vigur legala.

² Mintga persuna accusada ha il dretg da vegnir infurmada uschè spert ed uschè detagliademain sco pussaivel davart las inculpaziuns cunter ella. Ella sto avair la pussaivladad da far valair ils dretgs da defensiu, dals quals ella ha il dretg.

³ Mintga persuna sentenziada ha il dretg da far examinar la sentenzia d'ina dretgira superiura. Resalvads èn ils cas, en ils quals il Tribunal federal decida sco suletta instanza.

Art. 33 Dretg da petiziun

¹ Mintga persuna ha il dretg d'inoltrar petiziuns a las autoritads; quai na dastga betg chaschunar dischavantatgs ad ella.

² Las autoritads han da prender conuschiantscha da las petiziuns.

Art. 34 Dretgs politics

¹ Ils dretgs politics èn garantids.

² La garanzia dals dretgs politics protegia la formaziun libra da la voluntad e la votaziun nunfalsifitgada.

Art. 35 Effect dals dretgs fundamentals

¹ Ils dretgs fundamentals ston avair in effect sin l'entir urden giuridic.

² Tgi che ha d'exequir incumbensas statalas, ha da respectar ils dretgs fundamentals ed è obligà da contribuir che quels vegnian realisads.

³ Las autoritads procuran ch'ils dretgs fundamentals daventian er efficazis tranter persunas privatas, uschenavant ch'els èn adattads per quest intent.

Art. 36 Restricziuns dals dretgs fundamentals

¹ Restricziuns dals dretgs fundamentals dovran ina basa legala. Restricziuns engrev-giantas ston esser previsas en la lescha sezza. Exceptads èn cas d'in privel serius, direct che n'è betg d'evitar en autra maniera.

² Restricziuns da dretgs fundamentals ston esser giustifitgadas tras in interess public u tras la protecziun da dretgs fundamentals da terzas persunas.

³ Restricziuns da dretgs fundamentals ston esser en proporziun.

⁴ Il cuntegn essenzial dals dretgs fundamentals è inviolabel.

2. chapitel **Dretg da burgais e dretgs politics**

Art. 37 Dretgs da burgais

¹ Burgaisa svizra u burgais svizzer è tgi che posseda il dretg da burgais d'ina vischnanca ed il dretg da burgais dal chantun.

² Nagin na dastga vegnir privilegià u pregiuditigà pervia da ses dretgs da burgais. Exceptadas èn prescrizioni davart ils dretgs politics en vischnanças da burgais e corporaziuns sco er davart la participaziun a la facultad da talas, uschenavant che la legislaziun chantunala na prevesa nagut auter.

Art. 38 Acquist e perdita dals dretgs da burgais

¹ La Confederaziun regla l'acquist e la perdita dals dretgs da burgais tras derivanza, maridaglia ed adopziun. Ella regla ultra da quai la perdita dal dretg da burgais svizzer per auters motivs sco er la renaturalisaziun.

² La Confederaziun decretescha prescrizioni minimalas davart la naturalisaziun da persunas estras tras ils chantuns e dat la permissiun da naturalisaziun.

³ Ella facilitescha la naturalisaziun da:

- a. persunas estras da la terza generaziun;
- b. uffants senza naziunalitat.⁴

Art. 39 Diever dals dretgs politics

¹ La Confederaziun regla il diever dals dretgs politics en fatgs federais, ils chantuns reglan quel en fatgs chantunals e communals.

⁴ Acceptà en la votaziun dal pievel dals 12 da favr. 2017, en vigur dapi ils 12 da favr. 2017 (COF dals 30 da sett. 2016, COCF dals 13 d'avr. 2017 – AS 2017 2643; BBI 2015 769 1327, 2017 3387).

² Ins fa diever dals dretgs politcs al lieu da domicil. La Confederaziun ed ils chantuns pon prevair excepziuns.

³ Nagin na dastga far diever da ses dretgs politcs en pli ch'in chantun.

⁴ Ils chantuns pon prevair che novs immigrads obtegnan il dretg da votar en fatgs chantunals e communals pir suenter in termin da spetga da maximalmain traís mais suenter la domiciliaziun.

Art. 40 Svizras e Svizzers a l'exterior

¹ La Confederaziun promova las relaziuns da las Svizras e dals Svizzers a l'exterior in tranter l'auter e cun la Svizra. Ella po sustegnair organisaziuns che persequite-schan questa finamira.

² La Confederaziun decretescha prescripcziuns davart ils dretgs e duairs da las Svizras e dals Svizzers a l'exterior, oravant tut davart il diever dals dretgs politcs en la Confederaziun, l'adempiliment dal duair da prestar servetsch militar u da cumpensaziun, il sustegn da persunas en basegn sco er en il sectur da las assicuranzas socialas.

3. chapitel Finamiras socialas

Art. 41

¹ Cumplettond la responsabladad persunala e l'iniziativa privata s'engaschan la Confederaziun ed ils chantuns per che:

- a. mintga persuna haja part da la segirezza sociala;
- b. mintga persuna obtegnia la tgira necessaria per sia sanadad;
- c. famiglias vegnian protegidias e promovidias sco cuminanzas da creschids ed uffants;
- d. persunas ablas da lavurar possian segirar lur existenza tras ina lavur ch'ellas exequeschan sut cundiziuns commensuradas;
- e. persunas che tschertgan abitaziuns possian chattar per els e per lur famiglia in'abitaziun adattada per cundiziuns acceptablas;
- f. uffants e giuvenils sco er persunas en la vegliadetgna da lavur possian giudair ina scolaziun ed instrucziun sco er ina furmaziun supplementara tenor lur abilitads;
- g. uffants e giuvenils vegnian promovids en lur svilup a persunas independentes e socialmain responsablas e vegnian sustegnidis en lur integraciun sociala, culturala e politica.

² La Confederaziun ed ils chantuns s'engaschan che mintga persuna saja assicurada cunter las consequenzas economicas da vegliadetgna, invaliditad, malsogna, accident, dischoccupaziun, maternitad, dal daventar orfen, vaiv u vaiva.

³ Els sa stentan da cuntanscher las finamiras socialas en il rom da lur cumpetenzas constituziunalas e da lur meds disponibels.

⁴ Da las finamiras socialas na pon ins betg deducir dretgs directs da prestaziuns dal stadi.

3. titel Confederaziun, chantuns e vischnancas

1. chapitel Relaziun tranter la Confederaziun ed ils chantuns

1. partizun Incumbensas da la Confederaziun e dals chantuns

Art. 42 Incumbensas da la Confederaziun

¹ La Confederaziun ademplescha las incumbensas che la vegnan attribuidas da la Constituziun federala.

² ...⁵

Art. 43 Incumbensas dals chantuns

Ils chantuns determineschan tge incumbensas ch'els accumpleschan en il rom da lur cumpetenzas.

Art. 43^a Princips per attribuir ed ademplir incumbensas dal stadi

¹ La Confederaziun surpiglia mo las incumbensas che surpassan las pussaivladads dals chantuns u che dovrán ina regulaziun unitara tras la Confederaziun.

² La communitad che profitescha d'ina prestaziun dal stadi porta ils custs da questa prestaziun.

³ La communitad che porta ils custs d'ina prestaziun dal stadi po decider davart questa prestaziun.

⁴ Las prestaziuns da basa ston esser accessiblas a tut las persunas en moda cumpare-gliabla.

⁵ Las incumbensas dal stadi ston vegnir ademplidas a moda raziunala ed adequata als basegns.

⁵ Aboli en la votaziun dal pievel dals 28 da nov. 2004, cun effect dapi ils 1. da schan. 2008 (COF dals 3 d'oct. 2003, COCF dals 26 da schan. 2005, COCF dals 7 da nov. 2007 – AS 2007 5765; BBI 2002 2291, 2003 6591, 2005 951).

⁶ Acceptà en la votaziun dal pievel dals 28 da nov. 2004, entrada en vigur ils 1. da schan. 2008 (COF dals 3 d'oct. 2003, COCF dals 26 da schan. 2005, COCF dals 7 da nov. 2007 – AS 2007 5765; BBI 2002 2291, 2003 6591, 2005 951).

2. partiziun Collavuraziun da la Confederaziun e dals chantuns

Art. 44 Princips

- ¹ La Confederaziun ed ils chantuns sustegnan in l'auter tar l'adempliment da lur incumbensas ed els collavuran ensemes.
- ² Els concedan in a l'auter respect ed assistenza. Els prestan in a l'auter assistenza administrativa e giudizia.
- ³ Dispitas tranter ils chantuns u tranter chantuns e la Confederaziun vegnan sche pussaivel regladus tras tractativas u mediaziuns.

Art. 45 Cooperaziun al process da furmaziun da la voluntad da la Confederaziun

- ¹ Ils chantuns coopereschon en il rom da la Constituziun federala a la furmaziun da la voluntad da la Confederaziun, oravant tut tar la legislaziun.
- ² La Confederaziun infurmescha ils chantuns ad ura e detagliadament davart ses projects; ella consultescha ils chantuns, sche lur interess èn pertutgads.

Art. 46 Realisaziun dal dretg federal

- ¹ Ils chantuns realiseschan il dretg federal en il rom da la Constituziun federala e da las leschas.
- ² La Confederaziun ed ils chantuns pon fixar communablamain ch'ils chantuns cuntaschian tschartas finamiras tar la realisaziun dal dretg federal e ch'els exequeschian per quest intent programs che la Confederaziun sostegna finanzialmain.⁷
- ³ La Confederaziun lascha als chantuns ina libertad creativa uschè gronda sco pus-saivel e tegna quint da lur particularitads chantunalas.⁸

Art. 47 Autonomia dals chantuns

- ¹ La Confederaziun protegia l'autonomia dals chantuns.
- ² Ella lascha als chantuns suffizientamain atgnas incumbensas e respecta lur autonomia d'organisaziun. Ella als lascha funtaunas da finanziaziun suffizientas e contribu-escha ch'els disponian dals medys finanzials necessaris per ademplir lur incumbensas.⁹

⁷ Acceptà en la votaziun dal pievel dals 28 da nov. 2004, entrada en vigur ils 1. da schan. 2008 (COF dals 3 d'oct. 2003, COCF dals 26 da schan. 2005, COCF dals 7 da nov. 2007 – AS **2007** 5765; BBI **2002** 2291, **2003** 6591, **2005** 951).

⁸ Acceptà en la votaziun dal pievel dals 28 da nov. 2004, entrada en vigur ils 1. da schan. 2008 (COF dals 3 d'oct. 2003, COCF dals 26 da schan. 2005, COCF dals 7 da nov. 2007 – AS **2007** 5765; BBI **2002** 2291, **2003** 6591, **2005** 951).

⁹ Acceptà en la votaziun dal pievel dals 28 da nov. 2004, entrada en vigur ils 1. da schan. 2008 (COF dals 3 d'oct. 2003, COCF dals 26 da schan. 2005, COCF dals 7 da nov. 2007 – AS **2007** 5765; BBI **2002** 2291, **2003** 6591, **2005** 951).

Art. 48 Contracts interchантnals

¹ Ils chantuns pon far contracts tranter els ed er crear organisaziuns ed instituziuns communablas. Els pon oravant tut ademplir communablamaин incumbensas d'interess regional.

² La Confederaziun po sa participar a tals projects en il rom da sias cumpetenzas.

³ Ils contracts interchантnals na dastgan betg cuntrafar al dretg ed als interess da la Confederaziun e n'er betg als dretgs d'auters chantuns. Els èn da communitygar a la Confederaziun.

⁴ Tras in contract interchантnral pon ils chantuns autorisar organs interchантnals da decretar disposiziuns cun normas da dretg che realiseschan in contract interchантnral, premess ch'il contract:

- a. saja vegnì approvà tenor la medema procedura che vala per la legislaziun;
- b. fixeschia ils princips directivs da las disposiziuns.¹⁰

⁵ Ils chantuns resguardan il dretg interchантnral.¹¹

Art. 48a¹² Decleraziun cun vigur lianta ed obligaziun da participaziun

¹ Sin dumonda da chantuns interessads po la Confederaziun declarar contracts interchантnals sco generalmain liants u obligar tscharts chantuns da sa participar a contracts interchантnals en ils sustants champs d'incumbensas:

- a. execuziun da chastis e da mesiras;
- b.¹³ fatgs da scola areguard ils secturs numnads en l'artitgel 62 alinea 4;
- c.¹⁴ scolas autas chantunalas;
- d. indrizs culturals d'impurtanza surregiunala;
- e. economisaziun da rument;
- f. sereneras;
- g. traffic d'aglomeraziun;
- h. medischina da perfecziun e clinicas spezialas;

¹⁰ Acceptà en la votaziun dal pievel dals 28 da nov. 2004, entrada en vigur ils 1. da schan. 2008 (COF dals 3 d'oct. 2003, COCF dals 26 da schan. 2005, COCF dals 7 da nov. 2007 – AS 2007 5765; BBI 2002 2291, 2003 6591, 2005 951).

¹¹ Acceptà en la votaziun dal pievel dals 28 da nov. 2004, entrada en vigur ils 1. da schan. 2008 (COF dals 3 d'oct. 2003, COCF dals 26 da schan. 2005, COCF dals 7 da nov. 2007 – AS 2007 5765; BBI 2002 2291, 2003 6591, 2005 951).

¹² Acceptà en la votaziun dal pievel dals 28 da nov. 2004, entrada en vigur ils 1. da schan. 2008 (COF dals 3 d'oct. 2003, COCF dals 26 da schan. 2005, COCF dals 7 da nov. 2007 – AS 2007 5765; BBI 2002 2291, 2003 6591, 2005 951).

¹³ Acceptà en la votaziun dal pievel dals 21 da matg 2006, entrada en vigur ils 21 da matg 2006 (COF dals 16 da dec. 2005, COCF dals 27 da fan. 2006 – AS 2006 3033; BBI 2005 5479 5547 7273, 2006 6725).

¹⁴ Acceptà en la votaziun dal pievel dals 21 da matg 2006, entrada en vigur ils 21 da matg 2006 (COF dals 16 da dec. 2005, COCF dals 27 da fan. 2006 – AS 2006 3033; BBI 2005 5479 5547 7273, 2006 6725).

- i. instituziuns per l'integrazion e per l'assistenza d'invalids.
- 2 La declaraziun cun vigur lianta succeda per regla en furma d'in conclus federal.
- 3 La lescha fixescha las premissas per la declaraziun cun vigur lianta e per l'obligaziun da participaziun e regla la procedura.

Art. 49 Precedenza ed observaziun dal dretg federal

- 1 Il dretg federal è superieur al dretg chantunal cuntrari.
- 2 La Confederaziun surveglia ch'ils chantuns observian il dretg federal.

3. partiziun Vischnancas**Art. 50**

- 1 L'autonomia da las vischnancas è garantida en il rom dal dretg chantunal.
- 2 La Confederaziun resguarda en sias acziuns ils effects pussaivels sin las vischnancas.
- 3 Ella resguarda latiers la situaziun particulara da las citads e da las aglomeraziuns sco er da las regiuns muntagnardas.

4. partiziun Garanzias federalas**Art. 51** Constituziuns chantunalas

- 1 Mintga chantun sa procura ina constituziun democratica. Quella dovrà il consentiment dal pievel e sto vegnir revedida, sch'ina maioritad da las votantas e dals votants pretenda quai.
- 2 Las constituziuns chantunalas dovràn l'approvaziun da la Confederaziun. Quella dat la garanzia, sch'ellas n'en betg cuntrarias al dretg federal.

Art. 52 Urden constituziunal

- 1 La Confederaziun protegia l'urden constituziunal dals chantuns.
- 2 Ella intervegn, sche l'urden en in chantun è disturbà u smanatschà e sch'il chantun pertutgà na po betg proteger sez ses urden e n'er betg cun l'agid d'auters chantuns.

Art. 53 Existenza e territori dals chantuns

- 1 La Confederaziun protegia l'existenza ed il territori dals chantuns.
- 2 Midadas vi da l'existenza dals chantuns dovràn il consentiment dals votants e dals chantuns pertutgads e suenter er il consentiment dal pievel e dals chantuns.

³ Midadas da territori tranter ils chantuns dovran il consentiment dals votants e dals chantuns pertutgads sco er l'approvaziun tras l'Assamblea federala en furma d'in conclus federal.

⁴ Cun contracts tranter els pon ils chantuns reglar rectificaziuns da cunfins.

2. chapitel Cumpetenzas

1. partiziun Relaziuns cun l'exterior

Art. 54 Affars exterius

¹ Ils affars exterius èn chaussa da la Confederaziun.

² La Confederaziun s'engascha per mantegnair l'independenza da la Svizra e per sia prosperitat; ella contribuescha oravant tut a mitigiar la miseria e la povrداد en il mund, a respectar ils dretgs umans ed a promover la democrazia, a la convivenza paschailva dals pievels sco er a mantegnair il fundament natural da la vita.

³ La Confederaziun respecta las cumpetenzas dals chantuns e defende lur interess.

Art. 55 Cooperaziun dals chantuns a decisiuns da la politica exteriura

¹ Ils chantuns coopereschan tar la preparaziun da decisiuns da la politica exteriura che pertutgan lur cumpetenzas u lur interess essenzials.

² La Confederaziun infurmescha ils chantuns ad ura e detagliadament e consultescha els.

³ Las posiziuns dals chantuns èn da muntada particulara, sch'els èn pertutgads en lur cumpetenzas. En questi cas coopereschan ils chantuns a moda adattada a las tractativas internaziunalas.

Art. 56 Relaziuns dals chantuns cun l'exterior

¹ Ils chantuns pon far contracts cun l'exterior en ils secturs da lur cumpetenzas.

² Quests contracts na dastgan betg contrafar ni al dretg ed als interess da la Confederaziun ni als dretgs d'auters chantuns. Ils chantuns han d'infurmà la Confederaziun avant la conclusiun dals contracts.

³ Ils chantuns pon avair contact direct cun autoritads estras subordinadas; en ils ulteriurs cas succedan las relaziuns dals chantuns cun l'exterior tras l'intermediaziun da la Confederaziun.

2. partiziun Segirezza, defensiun naziunala, protecziun civila

Art. 57 Segirezza

¹ La Confederaziun ed ils chantuns procuran en il rom da lur cumpetenzas per la segirezza dal pajais e per la protecziun da la populaziun.

² Els coordineschan lur stentas sin il sectur da la segirezza interna.

Art. 58 Armada

¹ La Svizra ha in'armada. Questa è organisada tenor il princip da milissa.

² L'armada serva per impedir guerras e gida a mantegnair la pasch; ella defenda il pajais e sia populaziun. Ella sustegna las autoritads civilas en cas da resistenza cunter grondas smanatschas da la segirezza interna ed en cas d'autras situaziuns extraordinarias. La lescha po prevair ulteriuras incumbensas.

³ Las acziuns da l'armada èn chaussa da la Confederaziun.¹⁵

Art. 59 Servetsch militar e servetsch da cumpensaziun

¹ Mintga Svizzer è obligà da far servetsch militar. La lescha prevesa in servetsch civil da cumpensaziun.

² Per dunnas svizras è il servetsch militar facultativ.

³ Svizzers che na prestan ni servetsch militar ni servetsch da cumpensaziun, han da pajar ina taxa. Quella vegn pretendida da la Confederaziun e fixada ed incassada dals chantuns.

⁴ La Confederaziun decretescha prescripziuns davart la cumpensaziun commensurada da la perdita da gudogn.

⁵ Persunas che prestan servetsch militar u servetsch da cumpensaziun e pateschan donn vi da la sanadad u perdan la vita, han per els u per lur confamigliars il dretg d'in sostegn commensurà da la Confederaziun.

Art. 60 Organisaziun, instrucziun ed equipament da l'armada

¹ La legislaziun militara sco er l'organisaziun, l'instrucziun e l'equipament da l'armada sustattatt a la Confederaziun.

² ...¹⁶

³ La Confederaziun po surpigliar indrizs militars dals chantuns cunter ina indemnisiaziun commensurada.

Art. 61 Protecziun civila

¹ La legislaziun davart la protecziun civila da persunas e bains cunter las consequenças da conflicts armads è chaussa da la Confederaziun.

¹⁵ Acceptà en la votaziun dal pievel dals 28 da nov. 2004, entrada en vigur ils 1. da schan. 2008 (COF dals 3 d'oct. 2003, COCF dals 26 da schan. 2005, COCF dals 7 da nov. 2007 – AS 2007 5765; BBI 2002 2291, 2003 6591, 2005 951).

¹⁶ Aboli en la votaziun dal pievel dals 28 da nov. 2004, cun effect dapi ils 1. da schan. 2008 (COF dals 3 d'oct. 2003, COCF dals 26 da schan. 2005, COCF dals 7 da nov. 2007 – AS 2007 5765; BBI 2002 2291, 2003 6591, 2005 951).

² La Confederaziun decretescha prescripziuns davart l'engaschament da la protecziun civila en cas da catastrofas e da situaziuns d'urgenza.

³ Ella po declarar il servetsch da protecziun sco obligatoric per ils umens. Per las dunnas è quest servetsch facultativ.

⁴ La Confederaziun decretescha prescripziuns davart la cumpensaziun commensurada da la perdita dal gudogn.

⁵ Persunas che pateschan donn vi da la sanadad u che perdan la vita ademplind il servetsch da protecziun, han per els u per lur confamigliars il dretg d'in sustegn commensurà da la Confederaziun.

3. partizun Scolaziun, perscrutaziun e cultura

Art. 61^a¹⁷ Spazi da furmaziun svizzer

¹ En il rom da lur competenzas procuran la Confederaziun ed ils chantuns communablaim per in'auta qualitat e permeabilitad dal spazi da furmaziun svizzer.

² La Confederaziun ed ils chantuns coordineschan lur sforzs e garanteschan lur collavuraziun tras organs communabels e tras otras mesiras.

³ Ademplind lur incumbensas¹⁸ s'engaschan la Confederaziun ed ils chantuns che las vias da furmaziun generala e da furmaziun professionala chattian ina renconuschiertscha equivalenta en la societad.

Art. 62 Fatgs da scola*

¹ Ils chantuns èn cumpentos per ils fatgs da scola.

² Els procuran per ina instrucziun fundamentala suffizienta ch'è averta a tut ils uffants. L'instrucziun fundamentala è obligatorica ed è suttamessa a la direcziun u a la surveglianza dal stadi. L'instrucziun fundamentala a las scolas publicas è gratuita.¹⁹

³ Ils chantuns procuran per ina scolaziun speziala suffizienta da tut ils uffants e giuvenils impedids, maximalmain fin al 20avel anniversari.²⁰

¹⁷ Acceptà en la votaziun dal pievel dals 21 da matg 2006, entrada en vigur ils 21 da matg 2006 (COF dals 16 da dec. 2005, COCF dals 27 da fan. 2006 – AS **2006** 3033; BBI **2005** 5479 5547 7273, **2006** 6725).

¹⁸ Rectificaziun da la Cumissiun da redacziun da l'Asaamblea federala dals Art. 58 n. 1 ParIA (SR **171.10**).

* Cun disposiziun transitorica.

¹⁹ Acceptà en la votaziun dal pievel dals 21 da matg 2006, entrada en vigur ils 21 da matg 2006 (COF dals 16 da dec. 2005, COCF dals 27 da fan. 2006 – AS **2006** 3033; BBI **2005** 5479 5547 7273, **2006** 6725).

²⁰ Acceptà en la votaziun dal pievel dals 28 da nov. 2004, entrada en vigur ils 1. da schan. 2008 (COF dals 3 d'oct. 2003, COCF dals 26 da schan. 2005, COCF dals 7 da nov. 2007 – AS **2007** 5765; BBI **2002** 2291, **2003** 6591, **2005** 951).

⁴ Sch'i na dat nagina armonisazion dals fatgs da scola en ils secturs da la vegliadegna da cumenzar la scola, da l'obligaziun d'ir a scola, da la durada e da las finamiras dals stgalims da furmaziun, dals passadis d'in stgalim a l'auter sco er da la renconuschentscha da diploms, decretescha la Confederaziun las prescripziuns necesarias.²¹

⁵ La Confederaziun regla il cumentzament da l'onn da scola.²²

⁶ Tar la preparaziun da decrets federais che concernan la cumpetenza dals chantuns vegn attribui in pais spezial a la cooperaziun dals chantuns.²³

Art. 63²⁴ Furmaziun professiunala

¹ La Confederaziun decretescha prescripziuns davart la furmaziun professiunala.

² Ella promova la diversitat e la permeabilitad da la purschida en il sectur da la furmaziun professiunala.

Art. 63a²⁵ Scolas autas

¹ La Confederaziun maina las scolas politecnicas federalas. Ella po stabilir, surgiar u manar ulteriuras scolas autas ed otras instituziuns dal sectur da las scolas autas.

² Ella sustegna las scolas autas chantunalas e po pajar contribuziuns ad otras instituziuns dal sectur da las scolas autas ch'ella ha renconuschì.

³ La Confederaziun ed ils chantuns procuran communablamain per la coordinaziun e per la garanzia da la qualitad en ils fatgs da las scolas autas da la Svizra. En quest connex resguardan la Confederaziun ed ils chantuns l'autonomia da las scolas autas e lur differentas instituziuns pertadras e fan attenzion da tractar en moda eguala instituziuns cun incumbensas equalas.

⁴ Per ademplir lur incumbensas fan la Confederaziun ed ils chantuns contracts e delegheschan tschertas cumpetenzas ad organs communabels. La lescha regla las cumpetenzas che pon vegnir delegadas a questi organs e fixescha ils princips da l'organizaziun e las proceduras da la coordinaziun.

²¹ Acceptà en la votaziun dal pievel dals 21 da matg 2006, entrada en vigur ils 21 da matg 2006 (COF dals 16 da dec. 2005, COCF dals 27 da fan. 2006 – AS **2006** 3033; BBI **2005** 5479 5547 7273, **2006** 6725).

²² Acceptà en la votaziun dal pievel dals 21 da matg 2006, entrada en vigur ils 21 da matg 2006 (COF dals 16 da dec. 2005, COCF dals 27 da fan. 2006 – AS **2006** 3033; BBI **2005** 5479 5547 7273, **2006** 6725).

²³ Acceptà en la votaziun dal pievel dals 21 da matg 2006, entrada en vigur ils 21 da matg 2006 (COF dals 16 da dec. 2005, COCF dals 27 da fan. 2006 – AS **2006** 3033; BBI **2005** 5479 5547 7273, **2006** 6725).

²⁴ Acceptà en la votaziun dal pievel dals 21 da matg 2006, entrada en vigur ils 21 da matg 2006 (COF dals 16 da dec. 2005, COCF dals 27 da fan. 2006 – AS **2006** 3033; BBI **2005** 5479 5547 7273, **2006** 6725).

²⁵ Acceptà en la votaziun dal pievel dals 21 da matg 2006, entrada en vigur ils 21 da matg 2006 (COF dals 16 da dec. 2005, COCF dals 27 da fan. 2006 – AS **2006** 3033; BBI **2005** 5479 5547 7273, **2006** 6725).

⁵ Sche la Confederaziun ed ils chantuns na cuntanschan betg las finamiras communablas tras coordinaziun, decretescha la Confederaziun prescripziuns davart ils stgalims da studi, davart ils passadis d'in stgalim a l'auter, davart la furmaziun supplementara e davart la renconuschientscha d'instituziuns e da diploms. Ultra da quai po la Confederaziun liar il sustegn da las scolas autas a princips da finanziaziun unitars e far depender il sustegn da la repartiziun da las incumbensas tranter las scolas autas en secturs che chaschunan custs spezialmain auts.

Art. 64 Perscrutaziun

¹ La Confederaziun promova la perscrutaziun scientifica e l'innovaziun.²⁶

² Ella po far depender la promozion particularmain da la cundizion che la qualitat e la coordinaziun sajan garantidas.²⁷

³ Ella po fabritgar, surpigliar u manar centers da perscrutaziun.

Art. 64a²⁸ Furmaziun supplementara

¹ La Confederaziun fixescha ils princips davart la furmaziun supplementara.

² Ella po promover la furmaziun supplementara.

³ La lescha fixescha ils secturs ed ils criteris.

Art. 65 Statistica

¹ La Confederaziun rimna las datas statisticas necessarias davart il stadi ed il svilup da la populaziun, da l'economia, da la societad, da la furmaziun, da la perscrutaziun, dal territori e da l'ambient en Svizra.²⁹

² Ella po decretar prescripziuns davart l'armonisaziun e la direcziun da registers uffizials per limitar ils sforzs per las retschertgas.

Art. 66 Contribuziuns da furmaziun³⁰

¹ La Confederaziun po conceder als chantuns contribuziuns a lur custs per contribuziuns da scolaziun a studentas ed a students da scolas autas e d'autras instituziuns

²⁶ Acceptà en la votaziun dal pievel dals 21 da matg 2006, entrada en vigur ils 21 da matg 2006 (COF dals 16 da dec. 2005, COCF dals 27 da fan. 2006 – AS **2006** 3033; BBI **2005** 5479 5547 7273, **2006** 6725).

²⁷ Acceptà en la votaziun dal pievel dals 21 da matg 2006, entrada en vigur ils 21 da matg 2006 (COF dals 16 da dec. 2005, COCF dals 27 da fan. 2006 – AS **2006** 3033; BBI **2005** 5479 5547 7273, **2006** 6725).

²⁸ Acceptà en la votaziun dal pievel dals 21 da matg 2006, entrada en vigur ils 21 da matg 2006 (COF dals 16 da dec. 2005, COCF dals 27 da fan. 2006 – AS **2006** 3033; BBI **2005** 5479 5547 7273, **2006** 6725).

²⁹ Acceptà en la votaziun dal pievel dals 21 da matg 2006, entrada en vigur ils 21 da matg 2006 (COF dals 16 da dec. 2005, COCF dals 27 da fan. 2006 – AS **2006** 3033; BBI **2005** 5479 5547 7273, **2006** 6725).

³⁰ Acceptà en la votaziun dal pievel dals 21 da matg 2006, entrada en vigur ils 21 da matg 2006 (COF dals 16 da dec. 2005, COCF dals 27 da fan. 2006 – AS **2006** 3033; BBI **2005** 5479 5547 7273, **2006** 6725).

dal sectur da la furmazion superiura. Ella po promover l'armonisazion interchantu-nala da las contribuzions da scolaziun e fixar princips per pajer talas.³¹

² Ella po ultra da quai prender atgnas mesiras per promover la furmazion; quai succeda sco cumplettazion da las mesiras chantunalas e resguardond la suveranitat chantunala da scola.

Art. 67 Promozion d'uffants e da giuvenils³²

¹ Tar l'adempliment da lur incumbensas tegnan la Confederaziun ed ils chantuns quint dals basegns spezials da promozion e protecziun dals uffants e giuvenils.

² En cumplettazion da mesiras chantunalas po la Confederaziun sustegnair la lavur cun uffants e cun giuvenils ordaifer la scola.³³

Art. 67a³⁴ Furmazion musicala

¹ La Confederaziun ed ils chantuns promovan la furmazion musicala, particularmain tar uffants e giuvenils.

² En il rom da lur cumpetenzas s'impegnan els per ina instrucziun musicala d'auta qualitad en las scolas. Sch'ils chantuns n'en betg buns da coordinar ina armonisazion da las finamiras da la furmazion en las scolas, prenda la la Confederaziun las directivas necessarias.

³ En cooperaziun cun ils chantuns determinescha la Confederaziun princips per l'access da la giuventetgna al far musica e per la promozion da talents musicals.

Art. 68 Sport

¹ La Confederaziun promova il sport, oravant tut la scolaziun.

² Ella maina ina scola da sport.

³ Ella po decretar prescripziuns davart il sport da giuvenils e declarar sco obligatoria- ca l'instrucziun da sport en scola.

³¹ Acceptà en la votaziun dal pievel dals 21 da matg 2006, entrada en vigur ils 21 da matg 2006 (COF dals 16 da dec. 2005, COCF dals 27 da fan. 2006 – AS **2006** 3033; BBI **2005** 5479 5547 7273, **2006** 6725).

³² Acceptà en la votaziun dal pievel dals 21 da matg 2006, entrada en vigur ils 21 da matg 2006 (COF dals 16 da dec. 2005, COCF dals 27 da fan. 2006 – AS **2006** 3033; BBI **2005** 5479 5547 7273, **2006** 6725).

³³ Acceptà en la votaziun dal pievel dals 21 da matg 2006, entrada en vigur ils 21 da matg 2006 (COF dals 16 da dec. 2005, COCF dals 27 da fan. 2006 – AS **2006** 3033; BBI **2005** 5479 5547 7273, **2006** 6725).

³⁴ Acceptà en la votaziun dal pievel dals 23 da sett. 2012, entrada en vigur ils 23 da sett. 2012 (COF dals 15 da mars 2012, COCF dals 29 da schan. 2013 – AS **2013** 435; BBI **2009** 613, **2010** 1, **2012** 3443 6899, **2013** 1135).

Art. 69 Cultura

- ¹ Ils chantuns èn responsabels per il sectur da la cultura.
- ² La Confederaziun po sustegnair stentas culturalas ch'èn d'interess per l'entira Svizra e po promover l'art e la musica, oravant tut sin il sectur da la scolaziun.
- ³ Tar l'adempliment da sias incumbensas prenda ella resguard da la varietad cultura-
la e linguistica dal pajais.

Art. 70 Lingua

- ¹ Las lingua uffizialas da la Confederaziun èn il tudestg, il franzos ed il talian. En il contact cun persunas da lingua rumantscha è er il rumantsch lingua uffiziala da la Confederaziun.
- ² Ils chantuns determineschan lur lingua uffizialas. Per mantegnair l'enclegientscha tranter las cuminanzas linguisticas, respectan els la cumposizion linguistica istorica e resguardan las minoritads linguisticas tradiziunalas.
- ³ La Confederaziun ed ils chantuns promovan la communicaziun ed il barat tranter las cuminanzas linguisticas.
- ⁴ La Confederaziun sostegna ils chantuns plurilings tar l'adempliment da lur incum-
bensas spezialas.
- ⁵ La Confederaziun sostegna mesiras dals chantuns Grischun e Tessin per mante-
gnair e promover la lingua rumantscha e taliana.

Art. 71 Film

- ¹ La Confederaziun po promover la producziun svizra da films e la cultura da film.
- ² Ella po decretar prescripcions per promover la varietad e la qualitat da la purschi-
da da films.

Art. 72 Baselgia e stadi

- ¹ Ils chantuns èn cumpetents per reglar la relaziun tranter baselgia e stadi.
- ² La Confederaziun ed ils chantuns pon prender mesiras en il rom da lur cumpeten-
zas per mantegnair la pasch publica tranter ils commembers da las differentas cumi-
nanzas religiusas.
- ³ Igl è scumandà da construir minarets.³⁵

³⁵ Acceptà en la votaziun dal pievel dals 29 da nov. 2009, entrada en vigur ils
29 da nov. 2009 (COF dals 12 da zer. 2009, COCF dals 5 da matg 2010 – AS **2010** 2161;
BBI **2008** 6851 7603, **2009** 4381, **2010** 3437).

4. partiziun Ambient e planisaziun dal territori

Art. 73 Durabilitad

La Confederaziun ed ils chantuns han en mira ina relaziun equilibrada durabla transerter la natira e sia capacitat da regeneraziun d'ina vart e da sia utilisaziun tras l'uman da l'autra vart.

Art. 74 Protecziun da l'ambient

- 1 La Confederaziun decretescha prescripziuns davart la protecziun da l'uman e da ses ambient natural cunter effects nuschaivels u mulestus.
- 2 Ella procura che tals effects vegnian impeditids. Ils custs per l'impediment e per la dismessa van a quint dals chaschunaders.
- 3 Ils chantuns èn cumpetents per l'execuziun da las prescripziuns, sche la lescha na la resalva betg a la Confederaziun.

Art. 75 Planisaziun dal territori

- 1 La Confederaziun fixescha ils princips per ina planisaziun dal territori. Questa è chaussa dals chantuns e serva a l'utilisaziun cunvegnenta ed economica dal terren ed a l'urbanisaziun ordinada dal pajais.
- 2 La Confederaziun promova e coordinescha las stentas dals chantuns e collavura cun quels.
- 3 Ademplind lur incumbensas prendan la Confederaziun ed ils chantuns resguard dals basegns da la planisaziun dal territori.

Art. 75a³⁶ Mesirazjun

- 1 La mesirazjun naziunala è chaussa da la Confederaziun.
- 2 La Confederaziun decretescha prescripziuns davart la mesirazjun uffiziala.
- 3 Ella po decretar prescripziuns davart l'armonisaziun d'infurmaziuns uffizialas che concernan il funs ed il terren.

Art. 75b³⁷ Abitaziuns secundaras*

- 1 La quota d'abitaziuns secundaras è limitada a maximalmain 20 pertschient da l'effectiv total d'unitads d'abitar e da la surfatscha d'auzada brutta che vegn utilisada per intents d'abitar en ina vischnanca.

³⁶ Acceptà en la votaziun dal pievel dals 28 da nov. 2004, entrada en vigur ils 1. da schan. 2008 (COF dals 3 d'oct. 2003, COCF dals 26 da schan. 2005, COCF dals 7 da nov. 2007 – AS **2007** 5765; BBI **2002** 2291, **2003** 6591, **2005** 951).

³⁷ Acceptà en la votaziun dal pievel dals 11 da mars 2012, entrada en vigur ils 11 da mars 2012 (COF dals 17 da zer. 2011, COCF dals 20 da zer. 2012 – AS **2012** 3627; BBI **2008** 1113 8757, **2011** 4825, **2012** 6623).

* Cun disposiziun transitorica.

² La lescha oblighescha las vischnancas da publitgar mintga onn lur plan da quotas d'emprimas abitaziuns ed il stadi detaglià da sia execuziun.

Art. 76 Auas

¹ La Confederaziun procura en il rom da sias cumpetenzas per in'utilisaziun spargnusa e la protecziun da las resursas d'aua sco er per il cumbat cunter las consequenzas nuschaivlas da l'aua.

² Ella fixescha ils princips davart il mantegniment e l'utilisaziun da las resursas d'aua, davart il diever da las auas per producir energia e per intents da sfradentar sco er davart autres intervenziuns en la circulaziun da l'aua.

³ Ella decretescha prescripziuns davart la protecziun da las auas, la garanzia da la quota commensurada da l'aua restanta, las construcziuns en connex cun las auas, la segirezza dals implants da serra e davart las influenzas da las precipitaziuns atmosfericas.

⁴ Ils chantuns disponan da las resursas d'aua. En il rom da la legislaziun federala pon els incassar taxas per l'utilisaziun da las auas. La Confederaziun ha il dretg d'utilisar las auas per sias interpresas da transport; ella paja per quest intent ina taxa ed ina indemnisiaziun.

⁵ Davart ils dretgs vi da resursas d'aua internaziunalas e davart las taxas colliadas cun queste dretgs decida la Confederaziun cun agid dals chantuns pertutgads. Sche plirs chantuns na pon betg sa cunvegnir davart ils dretgs vi da resursas d'aua internaziunalas, decida la Confederaziun.

⁶ Ademplind sias incumbensas resguarda la Confederaziun ils interess dals chantuns dals quals deriva l'aua.

Art. 77 Guaud

¹ La Confederaziun procura ch'il guaud possia ademplir sias funcziuns da protecziun, da niz e da recreaziun.

² Ella fixescha ils princips per la protecziun dal guaud.

³ Ella promova las mesiras per il mantegniment dal guaud.

Art. 78 Protecziun da la natira e da la patria

¹ Per la protecziun da la natira e da la patria èn cumpetents ils chantuns.

² Ademplind sias incumbensas resguarda la Confederaziun ils interess da la protecziun da la natira e da la patria. Ella ha quità da cuntradas, da maletgs dal lieu, da lieus istorics sco er da monuments da natira e da cultura; ella mantegna quels en lur furma integrala, sche l'interess public pretenda quai.

³ Ella po sustegnair las stentas da la protecziun da la natira e da la patria ed acquistar u seguirar tras contract u tras expropriazion objects da muntada per l'entira Svizra.

⁴ Ella decretescha prescripcziuns per la protecziun da la fauna e flora e per manteignair lur spazis da viver en la varietad naturala. Ella protegia las spezias periclitadas da l'extincziun.

⁵ Palids e cuntradas da palì da bellezza particulara e da muntada per l'entira Svizra èn protegidas. En quellas na dastgan vegnir construids nagins stabiliments, ed igl è er scumandà da far midadas dal terren. Ina excepcziun èn installaziuns che servivan già avant a la protecziun u a l'utilisaziun agricula da las palids e da las cuntradas da palì.

Art. 79 Pestga e chatscha

La Confederaziun fixescha ils princips per l'execuziun da la pestga e da la chatscha, spezialmain per mantegnair la varietad da las spezias da peschs, dals mamifers selvadis e dals utschels.

Art. 80 Protecziun dals animals

¹ La Confederaziun decretescha prescripcziuns davart la protecziun dals animals.

² Ella regla particularmain:

- a. il tegnair e tigrir animals;
- b. ils experiments cun animals e las intervenziuns vi da l'animal viv;
- c. il niz d'animals;
- d. l'import d'animals e da products d'animals;
- e. il commerzi cun animals ed ils transports d'animals;
- f. il mazzar animals.

³ Ils chantuns èn cumpetents per l'execuziun da las prescripcziuns, sche la lescha na resalva betg quella a la Confederaziun.

5. partiziun Ovras publicas e traffic

Art. 81 Ovras publicas

La Confederaziun po realisar e metter en funcziun ovras publicas u sustegnair lur realisaziun en l'interess da l'entir pajais u d'ina gronda part da quel.

Art. 81a³⁸ Traffic public

¹ La Confederaziun ed ils chantuns procuran per ina purschida suffizienta da traffic public sin via, sin l'aua, cun la viafier e cun telefericas en tut las regiuns dal pajais.

³⁸ Acceptà en la votaziun dal pievel dals 9 da favr. 2014, entrada en vigur ils 1. da schan. 2016 (COF dals 20 da zer. 2013, COCF dals 13 da matg 2014, COCF dals 2 da zer. 2014, COCF dals 6 da zer. 2014 – AS 2015 645; BBI 2010 6637, 2012 1577, 2013 4725 6518, 2014 4113 4117).

En quest connex stoi vegnir tegnì quint en moda adequata dal transport da rauba cun la viafier.

² Ils custs dal traffic public vegnan cuvrirs per ina part cunvegnenta tras ils pretschs pajads da las utilisadras e dals utilisaders dal traffic public.

Art. 82 Traffic sin via

¹ La Confederaziun decretescha prescripcions davart il traffic sin via.

² Ella exequescha la surveganza suprema da las vias d'impurtanza per l'entira Svizra; ella po fixar tgeninas vias da transit che ston esser avertas per il traffic.

³ Il diever da las vias publicas è gratuit. L'Assamblea federala po permetter excepcions.

Art. 83³⁹ Infrastructura stradala

¹ La Confederaziun ed ils chantuns procuran per ina infrastructura stradala suffizienta en tut las regiuns dal païs.

² La Confederaziun garantescha la realisaziun e l'utilisabladad d'ina rait da vias naziunalas. Ella construescha, maina e mantegna las vias naziunalas. Ella surpiglia ils custs respectivs. Ella po delegar questas incumbensas cumplettamain u parzialmain a pertadars publics, privats u maschadads.

Art. 84 Transit da las Alps*

¹ La Confederaziun protegia il territori da las Alps da las consequenzas negativas dal traffic da transit. Ella limitescha las grevezzas tras il traffic da transit per ch'ellas na sajan betg nuschaivlas ni per ils umans, ni per ils animals, ni per las plantas e n'er betg per lur spazis da viver.

² Il traffic da martganzia transalpin da cunfin a cunfin succeda cun la viafier. Il Cussegl federal prenda las mesiras necessarias. Excepcions èn be admissiblas, sch'ellas èn indispensablas. Ellas ston vegnir definidas pli detagliadament en ina lescha.

³ La capacitat da las vias da transit en il territori da las Alps na dastga betg vegnir augmentada. Questa restricziun na vala betg per vias da sviament che distgargian ils lieus dal traffic da transit.

Art. 85 Taxa sin il traffic da camiuns pesants*

¹ La Confederaziun po incassar sin il traffic da camiuns pesants ina taxa dependenta da la prestaziun e dal consum da carburant, uschenavant ch'il traffic da camiuns pesants chaschuna custs a la generalitat che n'en betg cuvrirs d'autras prestaziuns u taxas.

³⁹ Acceptà en la votaziun dal pievel dals 12 da favr. 2017, entrada en vigur ils 1. da schan. 2018 (COF dals 30 da sett. 2016, COCF dals 10 da nov. 2016 – AS 2017 6731; BB 2015 2065, 2016 7587, 2017 3387).

* Cun disposizion transitorica.

* Cun disposizion transitorica.

² Il retgav net che resulta da la taxa vegn duvrà per cuvrir ils custs che ststattan en connex cun il traffic terrester.⁴⁰

³ Ils chantuns vegnan participads al retgav net. Tar la calculaziun da las parts èn da resguardar particularmain ils effects da la taxa sin las regiuns muntagnardas e periferas.

Art. 85^a⁴¹ Taxa per l'utilisaziun da las vias naziunalas

La Confederaziun incassescha ina taxa per l'utilisaziun da las vias naziunalas cun vehichels a motor e cun chars annexs che n'èn betg suttamess a la taxa sin il traffic da camiuns pesants.

Art. 86⁴² Impundaziun da taxas per incumbensas ed expensas en connex cun il traffic sin via*

¹ Las vias naziunalas sco er las contribuziuns a mesiras per meglierar l'infrastructura da traffic en citads ed aglomeraziuns en connex cun il traffic sin via vegnan finanziadas sur in fond.

² Al fond vegnan assegnads ils sustants medis finanzials:

- a. il retgav net da la taxa per l'utilisaziun da las vias naziunalas tenor l'artitgel 85a;
- b. il retgav net da la taglia speziala da consum tenor l'artitgel 131 alinea 1 litera d;
- c. il retgav net dal supplement tenor l'artitgel 131 alinea 2 litera a;
- d. il retgav net da la taxa tenor l'artitgel 131 alinea 2 litera b;
- e. ina part dal retgav net da la taglia da consum sin tut ils carburants, cun excepziun dals carburants d'aviatica, tenor l'artitgel 131 alinea 1 litera e; la part importa 9 pertschient dals medis finanzials tenor la litera c e 9 pertschient da la mesedad dal retgav net da la taglia da consum sin tut ils carburants, cun excepziun dals carburants d'aviatica, maximalmain però 310 milliuns francs per onn; la lescha regla l'indexaziun da quest import;
- f. per regla 10 pertschient dal retgav net da la taglia da consum sin tut ils carburants, cun excepziun dals carburants d'aviatica, tenor l'artitgel 131 alinea 1 litera e;

⁴⁰ Acceptà en la votaziun dal pievel dals 9 da favr. 2014, entrada en vigur ils 1. da schan. 2016 (COF dals 20 da zer. 2013, COCF dals 13 da matg 2014, COCF dals 2 da zer. 2014, COCF dals 6 da zer. 2014 – AS 2015 645; BBI 2010 6637, 2012 1577, 2013 4725 6518, 2014 4113 4117).

⁴¹ Acceptà en la votaziun dal pievel dals 12 da favr. 2017, entrada en vigur ils 1. da schan. 2018 (COF dals 30 da sett. 2016, COCF dals 10 da nov. 2016 – AS 2017 6731; BBI 2015 2065, 2016 7587, 2017 3387).

⁴² Acceptà en la votaziun dal pievel dals 12 da favr. 2017, entrada en vigur ils 1. da schan. 2018 (COF dals 30 da sett. 2016, COCF dals 10 da nov. 2016 – AS 2017 6731; BBI 2015 2065, 2016 7587, 2017 3387).

* Cun disposiziun transitorica.

g.⁴³ ...

- h. ulteriurs medis finanzials assegnads tras la lescha che stattan en connex cun il traffic sin via.

³ Per las suandantas incumbensas ed expensas en connex cun il traffic sin via vegn manada ina finanziaziun speziala:

- a. las contribuziuns a mesiras per promover il traffic cumbinà ed il transport da vehichels a motor accumpagnads;
- b. las contribuziuns als custs per las vias principales;
- c. las contribuziuns ad ovras da protecziun cunter forzas da la natira ed a mesiras da la protecziun da l'ambient e da la cuntrada che daventan necessarias pervia dal traffic sin via;
- d. las contribuziuns generalas als custs dals chantuns per vias ch'èn avertas per il traffic da vehichels a motor;
- e. las contribuziuns als chantuns senza vias naziunalas;
- f. la perscrutaziun e l'administraziun;

g.⁴⁴ ...

⁴ A la finanziaziun speziala vegn bunifitgada la mesadad dal retgav net da la taglia da consum sin tut ils carburants, cun excepziun dals carburants d'aviatica, tenor l'artitgel 131 alinea 1 litera e minus ils medis finanzials tenor l'alinea 2 litera e.

⁵ Sch'il basegn è cumprovà en la finanziaziun speziala e sch'i duai vegnir furmada ina retenziun adequata en la finanziaziun speziala, ston ils retgavs da la taglia da consum tenor l'artitgel 131 alinea 1 litera d vegnir assegnads a la finanziaziun speziala empè al fond.

Art. 87 Viafiers ed ulteriurs medis da traffic*

La legislazion davart il traffic da viafier, las pendicularas, la navigaziun sco er davart l'aviatica e l'astronautica è chaussa da la Confederaziun.

Art. 87a⁴⁵ Infrastructura da viafier*

¹ La Confederaziun surpiglia la chargia principala da la finanziaziun da l'infrastructura da viafier.

² L'infrastructura da viafier vegn finanziada sur in fond. Al fond vegnan attribuids ils suandants medis finanzials:

⁴³ Entra en vigur il 1. da schan. 2020.

⁴⁴ Entra en vigur il 1. da schan. 2020.

* Cun disposiziun transitorica.

⁴⁵ Acceptà en la votaziun dal pievel dals 9 da favr. 2014, entrada en vigur ils 1. da schan. 2016 (COF dals 20 da zer. 2013, COCF dals 13 da matg 2014, COCF dals 2 da zer. 2014, COCF dals 6 da zer. 2014 – AS **2015** 645; BBl **2010** 6637, **2012** 1577, **2013** 4725 6518, **2014** 4113 4117).

* Cun disposiziun transitorica.

- a. maximalmain dus terzs dal retgav che resulta da la taxa sin il traffic da camiuns pesants tenor l'artitgel 85;
- b. il retgav che resulta da l'augment da la taglia sin la plivalur tenor l'artitgel 130 alinea 3^{bis};
- c. 2,0 pertschient da las entradas che resultan da la taglia federala directa da las personas naturalas;
- d. 2300 milliuns francs per onn da las finanzas federalas generalas; la lescha regla l'indexaziu da quest import.

³ Ils chantuns sa participeschan en moda adequata a la finanziazion da l'infrastrutura da viafier. La lescha regla ils detagls.

⁴ La lescha po prevair ina finanziazion cumplementara tras terzas personas.

Art. 87b⁴⁶ Impundaziun da taxas per incumbensas ed expensas en connex cun il traffic aviatic

La mesadad dal retgav net da la taglia da consum sin carburants d'aviatica ed il supplement sin la taglia da consum sin ils carburants d'aviatica vegnan utilisads per las suandardas incumbensas ed expensas en connex cun il traffic aviatic:

- a. las contribuziuns a mesiras da la protecziun da l'ambient che daventan necesarias pervia dal traffic aviatic;
- b. las contribuziuns a mesiras da segirezza per proteger il traffic aviatic cunter acts illegals, en spezial attentats terroristics e rapiments, uschenavant che questas mesiras n'èn betg chaussa d'autoritads statalas;
- c. las contribuziuns a mesiras per promover in aut nivel da segirezza tecnica en il traffic aviatic.

Art. 88⁴⁷ Sendas, vias da viandar e vias da velo

¹ La Confederaziun fixescha ils princips per raits da sendas, da vias da viandar e da vias da velo.

² Ella po sustegnair e coordinar mesiras dals chantuns e da terzas personas per crear e mantegnair talas raits sco er concernent l'infurmazion davart questas raits. En quest connex respecta ella las cumpetenzas dals chantuns.

³ Ademplind sias incumbensas resguarda ella talas raits. Ella remplazza vias ch'ella ha d'eliminar.

⁴⁶ Acceptà en la votaziun dal pievel dals 12 da favr. 2017, entrada en vigur ils 1. da schan. 2018 (COF dals 30 da sett. 2016, COCF dals 10 da nov. 2016 – AS 2017 6731; BBI 2015 2065, 2016 7587, 2017 3387).

⁴⁷ Acceptà en la votaziun dal pievel dals 23 da sett. 2018, entrada en vigur ils 23 da sett. 2018 (COF dals 13 da mars 2018, COCF dals 21 da schan. 2019 – AS 2019 525; BBI 2016 1791, 2017 5901, 2018 1859, 2019 1311).

6. partizun Energia e communicaziun

Art. 89 Politica d'energia

¹ La Confederaziun ed ils chantuns s'engaschan en il rom da lur cumpetenzas per in provediment d'energia sufficient, diversifitgà, segir, economic ed ecologicamain acceptabel sco er per in consum d'energia spargnus e raziunal.

² La Confederaziun fixescha ils princips per l'utilisazion da l'energia indigena e regenerabla e per in consum d'energia spargnus e raziunal.

³ La Confederaziun decretescha prescripziuns davart il consum d'energia da stabiliments, vehichels ed apparats. Ella promova il svilup da tecnicas d'energia, spezialmain en ils secturs dal spargnar energia e da las energias regenerablas.

⁴ Per mesiras che pertutgan il consum d'energia en edifizis èn cumpetents oravant tut ils chantuns.

⁵ La Confederaziun tegna quint en sia politica d'energia da las stentas dals chantuns e da las vischnancas sco er da l'economia; ella resguarda las relaziuns en las singulas regiuns dal pajais e quai ch'è economicamain supportabel.

Art. 90 Energia nucleara*

La legislaziun sin il champ da l'energia nucleara è chaussa da la Confederaziun.

Art. 91 Transport d'energia

¹ La Confederaziun decretescha prescripziuns davart il transport e la furnizion da l'energia electrica.

² La legislaziun davart conducts da bischens per transportar carburants u combustibels liquids u en furma da gas è chaussa da la Confederaziun.

Art. 92 Posta e telecommunicaziun

¹ Ils fatgs da posta e telecommunicaziun èn chaussa da la Confederaziun.

² La Confederaziun procura per in provediment sufficient ed ad in pretsch raschunavel da servetschs da posta e da telecommunicaziun en tut las parts dal pajais. Las tariffas vegnan fixadas tenor princips unitars.

Art. 93 Radio e televisiun

¹ La legislaziun davart radio e televisiun sco er davart autres furmas da telediffusiun publica da represchentaziuns ed infurmaziuns suttastat a la Confederaziun.

² Il radio e la televisiun contribueschan a la furmaziun ed al svilup cultural, a la furmaziun libra da l'opiniun sco er al divertiment. Els resguardan las atgnadads dal pajais ed ils basegns dals chantuns. Els preschentan ils eveniments a moda correcta ed reflecteschan adequatamain la diversitat da las opiniuns.

* Cun disposiziun transitorica.

³ L'independenza dal radio e da la televisiun sco er l'autonomia en la furmaziun dals programs èn garantidas.

⁴ Igl è da prender resguard da la situaziun e dals pensums d'autras medias, oravant tut da la pressa.

⁵ Protestas concernent programs pon vegnir inoltradas ad ina instanza da recurs independenta per il giudicament.

7. partiziun Economia

Art. 94 Princips da l'urden economic

¹ La Confederaziun ed ils chantuns sa tegnan al princip da la libertad economica.

² Els defendan ils interess da l'economia svizra cumplessiva e contribueschan cun l'economia privata a la prosperitat ed a la segirezza economica da la populaziun.

³ En il rom da lur competenzas procuran els per cundiziuns da basa favuraivlas per l'economia privata.

⁴ Divergenzas dal princip da la libertad economica, surtut er mesiras che sa drizzan cunter la concurrenza, èn be admessas, sch'ellas èn previsas en la Constituziun federala u fundadas tras dretgs da regls chantunals.

Art. 95 Activitat da gudogn en l'economia privata*

¹ La Confederaziun po decretar prescripziuns davart l'activitat da gudogn en l'economia privata.

² Ella procura per in spazi economic omogen en Svizra. Ella garantescha che persunas cun ina scolaziju scientifica u cun in diplom d'ina scola federala, chantunala u renconuschì d'in chantun possian exequir lui professiun en l'entira Svizra.

³ Per proteger l'economia publica, la proprietad privata ed ils acziunaris ed er en il senn d'ina gestiun duraivla d'interpresas definescha la lescha directivas per las societads d'aczias svizras, quotadas en Svizra u a l'exterior, tenor ils princips sustants:

- a. La radunanza generala votescha mintga onn davart la summa totala da las remuneraziuns (daners e valor da las prestaziuns materialas) per il cussegli d'administraziun, per la direcziun generala e per il cussegli consultativ. Ella elegia mintga onn il president dal cussegli d'administraziun e mintga singul commember dal cussegli d'administraziun e da la cumissiun da remuneraziun sco er in represchentant independent da las persunas cun il dretg da votar. Las cassas da pensiun voteschan en l'interess da lur persunas assicuradas e rendan transparent co ch'ellas han votà. Ils acziunaris pon votar electronicamain sin distanza; els na pon betg vegnir represchentads d'in commember d'in organ da la societat u d'in depositari.

* Cun disposiziun transitorica.

- b. Ils commembers dals organs da la societad na survegnan náginas indemnisiáns da partenza u autras indemnisiáns, náginas remuneraziúns anticipadas, náginas premias per cumpras e venditas d'interpresa e náginas contracts supplementars da consulenza u da lavour cun societads da la medema gruppera. La gestiun da la societad na dastga betg vegnir delegada ad ina persuna giuridica.
- c. Ils statuts regleschan l'import dals credits, emprests e rentas als commembers dals organs da la societad, sco er lur plans da reussida, ils plans da participaziun, il dumber permiss da mandats ordaifer il concern sco er la durada dals contracts da lavour dals commembers da la direcziun generala.
- d. La violaziun da las disposiziuns tenor las literas a–c vegn sancziunada cun in chasti da detenziun fin a trais onns e cun in chasti pecuniaria fin a sis remuneraziúns annualas.⁴⁸

Art. 96 Politica da concurrenza

¹ La Confederaziun decretescha prescripziuns cunter consequenzas economicamain u socialmain nuschaivlas da cartels e d'autras restricziuns da la concurrenza.

² Ella prenda mesiras:

- a. per impedir abus en la furmaziun dals pretschs tras interpresa ed organisaziuns da dretg privat u da dretg public cun ina posizion dominanta sin il martgà;
- b. cunter la concurrenza illoiala.

Art. 97 Protecziun da consumetas e consuments

¹ La Confederaziun prenda mesiras per proteger las consumetas ed ils consuments.

² Ella decretescha prescripziuns davart ils meds giuridics che stattan a disposiziun a las organisaziuns dals consuments. Sin il sectur da la legislaziun federala davart la concurrenza illoiala han questas organisaziuns ils medems dretgs sco las federaziuns professiunalas ed economicas.

³ Ils chantuns prevesan per dispitas fin ad ina tscherta valur ina procedura da mediaziun u ina procedura giudiziala simpla e speditiva. Il Cussegl federal fixescha il limit da la valur en lita.

Art. 98 Bancas ed assicuranzas

¹ La Confederaziun decretescha prescripziuns davart las bancas e la bursa; latiers tegna ella quint da l'incumbensa e da la situaziun speziala da las bancas chantunalas.

⁴⁸ Acceptà en la votaziun dal pievel dals 3 da mars 2013, entrada en vigur ils 3 da mars 2013 (COF dals 15 da nov. 2012 e dals 30 d'avr. 2013 – AS **2013** 1303; BBI **2006** 8755, **2008** 2577, **2009** 299, **2012** 9219, **2013** 3129).

² Ella po decretar prescripcions davart prestaziuns da servetsch finanzialas sin auters secturs.

³ Ella decretescha prescripcions davart las assicuranzas privatas.

Art. 99 Politica monetara

¹ Ils fatgs monetars sustattatt a la Confederaziun; ella suletta ha il dretg d'emetter munaida e banconotas.

² La Banca naziunala svizra fa sco banca centrala independenta ina politica monetara che serva als interess generals dal pajais; ella vegn administrada cun la cooperaziun e sut la surveglianza da la Confederaziun.

³ La Banca naziunala svizra furma ord ses retgavs reservas monetaras suffizientas; ina part da questas reservas vegn fatga cun aur.

⁴ Il retgav net da la Banca naziunala svizra va per almain dus terzs als chantuns.

Art. 100 Politica da conjunctura

¹ La Confederaziun prenda mesiras per seguirar in svilup equilibrà da la conjunctura, particolarment per prevegnir e cumbatter la dischoccupaziun e la chareschia.

² Ella resguarda il svilup economic da las singulas regiuns dal pajais. Ella collavura cun ils chantuns e cun l'economia.

³ En ils fatgs monetars e da credit, en l'economia exteriura e sin il sectur da las finanzas publicas po ella divergiar dal princip da la libertad economica, sche quai è necessari.

⁴ La Confederaziun, ils chantuns e las vischnancas resguardan la situaziun da la conjunctura en lur politica d'entradas e d'expensas.

⁵ Per stabilisar la conjunctura po la Confederaziun incassar temporarmain supplements u conceder rabats sin taxas e taglias previstas dal dretg federal. Ils meds incassads en questa maniera èn da bloccar. Suenter ch'els vegnan dàds liber, vegnan taxas e taglias directas restituidas individualmain, las taxas e taglias indirectas vegnan duvradas per conceder rabats u per procurar lavur.

⁶ La Confederaziun po obligar las interpresas da furmar reservas per procurar lavur; ella conceda per la paja levgiaments da taglias e po er obligar ils chantuns da far il medem. Suenter che questas reservas èn vegnididas dadas libras decidan las interpresas libramain davart lur diever en il rom dals intents previs da la lescha.

Art. 101 Politica d'economia da l'exterior

¹ La Confederaziun defendà ils interess da l'economia svizra en l'exterior.

² En cas spezialis po ella prender mesiras per proteger l'economia indigena. Sch'i fa da basegn po ella divergiar dal princip da la libertad economica.

Art. 102 Provediment dal pajais*

¹ La Confederaziun segiresha il provediment dal pajais cun bains e servetschs necessaris per viver en cas da smanatschas da la politica da pussanza u da guerras sco er en situaziuns da grevas mancanzas che l'economia na po betg dumagnar be cun agens meds. Ella prenda las mesiras preventivas.

² Sch'i fa da basegn po ella divergiar dal princip da la libertad economica.

Art. 103 Politica da structura*

La Confederaziun po sustegnair regiuns dal pajais economicamain smanatschadas sco er promover branschas economicas e professiuns, sche mesiras raschunaivlas da l'agen agid na bastan betg per segirar lur existenza. Sch'i fa basegn po ella divergiar dal princip da la libertad economica.

Art. 104 Agricultura

¹ La Confederaziun procura che l'agricultura prestia cun ina producziun durabla ed orientada vers il martgà ina contribuziun essenziala per:

- a. in provediment seguir da la populaziun;
- b. il mantegniment da la basa da viver naturala e per la tgira d'ina untrada cultivada;
- c. l'urbanisazion decentralisada dal pajais.

² Cumplettond l'agen agid ch'ins po pretender da l'agricultura e, sche necessari er divergiond dal princip da la libertad economica, promova la Confederaziun ils manaschis purils che cultiveschan il terren.

³ Ella fixescha mesiras per che l'agricultura possia ademplir sias incumbensas multifaras. Ella ha particularmain las sequentas cumpetenzas ed incumbensas:

- a. Ella cumplettescha l'entrada dals purs cun pajaments directs per realisar ina indemnizazion commensurada per las prestaziuns furnidas, cun la premissa ch'ina prestaziun ecologica saja cumprovada.
- b. Ella promova furmas da producziun cun impuls economics avantagius che resguardan spezialmain la natira, l'ambient ed ils animals.
- c. Ella decretescha prescripcziuns concernent la declaraziun da l'origin, da la qualitat, da la metoda da producziun e da la procedura d'elavuraziun per victualias.
- d. Ella protegia l'ambient da domns chaschunads dal diever exagerà da fertilisaders, da chemicalias e d'autras materias auxiliaras.
- e. Ella po promover la perscrutaziun, la cussegliaziun e la scolaziun agricula ed er prestar agids d'investiziun.
- f. Ella po decretar prescripcziuns per consolidar la proprietad funsila dals purs.

* Cun disposiziun transitorica.

* Cun disposiziun transitorica.

⁴ Ella metta a disposizion per quest intent medis finanzials liads a l'intent dal sectur agricul e medis generals da la Confederaziun.

Art. 104^{a49} Segirezza alimentara

Per garantir il provediment da la populaziun cun vauticalias stgaffescha la Confederaziun premissas per:

- a. la garanzia da la basa per la producziun agricula, en spezial il terren cultivable;
- b. ina producziun da vauticalias ch'è adattada a las cundiziuns localas e che dovrà las resursas en moda efficiente;
- c. in'agricultura ed in'economia alimentara ch'èn orientadas al martgà;
- d. relaziuns commerzialas transcunfinalas che gidan a sviluppar en moda durai-vla l'agricultura e l'economia alimentara;
- e. in diever da vauticalias che spargna resursas.

Art. 105 Alcohol

La legislaziun davart la fabricaziun, l'import, la purificaziun e la vendita da vinars suttastat a la Confederaziun. Ella tegna particularmain quint dals effects nuschaivels dal consum d'alcohol.

Art. 106⁵⁰ Gieus per daners

¹ La Confederaziun decretescha prescripziuns davart ils gieus per daners, tegnend quint dals interess dals chantuns.

² Per installar e per manar bancas da gieu è necessaria ina concessiun da la Confederaziun. Tar la surdada da concessiuns resguarda la Confederaziun las cundiziuns regiunalas. Ella incassescha ina taxa sin bancas da gieu che dependa dal retgav; la taxa na dastga betg surpassar 80 percentschient dal retgav brut da gieu. Questa taxa è destinada a l'assicuranza per vegls, survivents ed invaliditat.

³ Ils chantuns èn cumpetents per permetter e per survegliar:

- a. ils gieus per daners accessibels ad in dumber illimità da persunas en plirs lieus ed en ils quals i vegn tratg la sort u procedì en moda sumeglianta; exceptads èn ils sistems da jackpot da las bancas da gieu;
- b. las scumessas da sport;
- c. ils gieus d'inschign.

⁴⁹ Acceptà en la votaziun dal pievel dals 24 da sett. 2017, entrada en vigur ils 24 da sett. 2017 (COF dals 14 da mars 2017, COCF dals 30 da nov. 2017 – AS 2017 6735; BBI 2014 6135, 2015 5753, 2017 2495 7829).

⁵⁰ Acceptà en la votaziun dal pievel dals 11 da mars 2012, entrada en vigur ils 11 da mars 2012 (COF dals 29 da sett. 2011, COCF dals 20 da zer. 2012 – AS 2012 3629; BBI 2009 7019, 2010 7961, 2012 6623).

⁴ Ils alineas 2 e 3 vegnan er applitgads per ils gieus per daners purschids a basa da la telecommunicaziun.

⁵ La Confederaziun ed ils chantuns tegnan quint dals privels en connex cun ils gieus per daners. Tras la legislaziun e tras mesiras da surveglianza garanteschan els ina protecziun adequata, resguardond en quest connex las differentas caracteristicas dals gieus sco er la furma ed il lieu da la purschida.

⁶ Ils chantuns garanteschan ch'ils retgavs nets dals gieus tenor l'alinea 3 literas a e b vegnian duvrads dal tuttafatg per intents d'utilitad publica, en spezial en ils secturs da la cultura, dals fatgs socials e dal sport.

⁷ La Confederaziun ed ils chantuns sa coordineschan per ademplir lur incumbensas. Perquai stgaffescha la lescha in organ cuminaivel che sa cumpona mintgamai per la mesadad da commembers dals organs executivs da la Confederaziun e dals chantuns.

Art. 107 Armas e material da guerra

¹ La Confederaziun decretescha prescripziuns cunter il diever abusiv d'armas, d'accessoris d'armas e da muniziun.

² Ella decretescha prescripziuns davart la fabricaziun, l'acquist e la vendita sco er davart l'import, l'export ed il transit da material da guerra.

8. partizun Abitar, lavur, segrezza sociala e sanadad

Art. 108 Promozion da la construcziun d'abitaziuns e da la proprietad d'abitaziuns

¹ La Confederaziun promova la construcziun d'abitaziuns ed er l'acquist da proprietad d'abitaziuns e da chasas destinadas al diever personal da privats sco er l'activitad da pertaders ed organisaziuns per la construcziun d'abitaziuns d'util public.

² Ella promova oravant tut l'acquist e l'avertura da terren per la construcziun d'abitaziuns, la razionalisaziun e la reducziun dals pretschs per la construcziun d'abitaziuns sco er la reducziun dals custs d'abitar.

³ Ella po decretar prescripziuns davart l'avertura da terren per la construcziun d'abitaziuns e davart la razionalisaziun da la construcziun.

⁴ Ella resguarda particularmain ils interess da famiglias, d'attempads, da personas basegnusas e d'impeditids.

Art. 109 Fatgs da fittanza

¹ La Confederaziun po decretar prescripziuns cunter ils abus en ils fatgs da fittanza, surtut cunter tschains da fittanza abusivs, sco er davart la pussaivladad da protestar cunter desditgas abusivas e davart la prolungaziun limitada da relaziuns da fittanza.

² Ella po decretar prescripcziuns davart la decleraziun cun vigur lianta da contracts da fittanza generalas. Tals contracts dastgan be vegnir declerads sco generalmain liants, sch'els tegnan quint a moda commensurada dals interess motivads da minoritads sco er da las differenzas regiunalas e sch'els na pregiuditgeschan betg l'egalitat da dretg.

Art. 110 Lavur*

¹ La Confederaziun po decretar prescripcziuns davart:

- a. la protecziun da las lavurantas e dals lavurants;
- b. la relaziun tranter patruns e lavurants, particularmain davart la reglementaziun communabla da dumondas da manaschi e fatgs professiunals;
- c. l'intermediaziun da lavur;
- d. la decleraziun cun vigur lianta da contracts da lavur collectivs.

² Contracts da lavur collectivs dastgan vegnir declerads sco generalmain liants, sch'els tegnan quint a moda commensurada dals interess motivads da minoritads sco er da las differenzas regiunalas e sch'els na pregiuditgeschan betg la libertad sindicala.

³ Il 1. d'avust è il di da la festa naziunala. Concernent il dretg da lavur è el egual a las dumengias ed è pajà.

Art. 111 Prevenziun per vegls, survivents ed invalids

¹ La Confederaziun prenda mesiras per ina prevenziun suffizienta per vegls, survivents ed invalids. Quella sa basa sin traís pitgas, numnadaman sin l'assicuranza federala per vegls, survivents ed invalids, sin la prevenziun professiunala e sin la prevenziun individuala.

² La Confederaziun procura che l'assicuranza per vegls, survivents ed invalids sco er la prevenziun professiunala possian ademplir lur intents permanentamain.

³ Ella po obligar ils chantuns da liberar da la taglia las instituziuns da l'assicuranza federala per vegls, survivents ed invalids sco er da la prevenziun professiunala e conceder als assicurads ed a lur patrunas e patruns levgiamenti da taglia sin contribuziuns e dretgs ch'els pon pretender.

⁴ En collavaraziun cun ils chantuns promova ella la prevenziun individuala, particularmain cun mesiras da la politica fiscal a da la politica da proprietad.

Art. 112 Assicuranza da vegls, survivents ed invalids

¹ La Confederaziun decretescha prescripcziuns davart l'assicuranza da vegls, survivents ed invalids.

² Ella observa ils sustants princips:

- a. L'assicuranza è obligatorica.

* Cun disposiziun transitorica.

abis.⁵¹ Ella conceda prestaziuns finanzialas e materialas.

- b. Las rentas han da cuvrir commensuradament il basegn d'existenza.
- c. La renta maximala correspunda sin il pli al dubel da la renta minimala.
- d. Las rentas vegnan adattadas almain da tut al svilup dals pretschs.

³ L'assicuranza vegn finanziada:

- a. tras contribuziuns dals assicurads; latiers pajan las patrunas ed ils patrunas la mesedad da las contribuziuns per lur lavurantas e lavurants;
- b.⁵² tras prestaziuns da la Confederaziun.

⁴ Las prestaziuns da la Confederaziun muntan sin il pli la mesedad da las expensas.⁵³

⁵ Las prestaziuns da la Confederaziun vegnan cuvridas en emprima lingia ord il re-tgav net da la taglia sin tubac, da la taglia sin vinars e da la taxa sin bancas da sieus.

⁶ ...⁵⁴

Art. 112a⁵⁵ Prestaziuns supplementaras

¹ La Confederaziun ed ils chantuns pajan prestaziuns supplementaras a persunas, tar las qualas las prestaziuns da l'assicuranza per vegls, survivents ed invalids na cuvran betg il basegn d'existenza.

² La lescha fixescha la dimensiun da las prestaziuns supplementaras sco er las incumbensas e las cumpetenzas da la Confederaziun e dals chantuns.

Art. 112b⁵⁶ Promozion da l'integrazion d'invalids*

¹ La Confederaziun promova l'integrazion d'invalids cun pajar prestaziuns finanzialas e materialas. Per quest intent po ella utilisar ils medis da l'assicuranza d'invalids.

⁵¹ Acceptà en la votaziun dal pievel dals 28 da nov. 2004, entrada en vigur ils 1. da schan. 2008 (COF dals 3 d'oct. 2003, COCF dals 26 da schan. 2005, COCF dals 7 da nov. 2007 – AS **2007** 5765; BBI **2002** 2291, **2003** 6591, **2005** 951).

⁵² Acceptà en la votaziun dal pievel dals 28 da nov. 2004, entrada en vigur ils 1. da schan. 2008 (COF dals 3 d'oct. 2003, COCF dals 26 da schan. 2005, COCF dals 7 da nov. 2007 – AS **2007** 5765; BBI **2002** 2291, **2003** 6591, **2005** 951).

⁵³ Acceptà en la votaziun dal pievel dals 28 da nov. 2004, entrada en vigur ils 1. da schan. 2008 (COF dals 3 d'oct. 2003, COCF dals 26 da schan. 2005, COCF dals 7 da nov. 2007 – AS **2007** 5765; BBI **2002** 2291, **2003** 6591, **2005** 951).

⁵⁴ Aboli en la votaziun dal pievel dals 28 da nov. 2004, cun effect dapi ils 1. da schan. 2008 (COF dals 3 d'oct. 2003, COCF dals 26 da schan. 2005, COCF dals 7 da nov. 2007 – AS **2007** 5765; BBI **2002** 2291, **2003** 6591, **2005** 951).

⁵⁵ Acceptà en la votaziun dal pievel dals 28 da nov. 2004, entrada en vigur ils 1. da schan. 2008 (COF dals 3 d'oct. 2003, COCF dals 26 da schan. 2005, COCF dals 7 da nov. 2007 – AS **2007** 5765; BBI **2002** 2291, **2003** 6591, **2005** 951).

⁵⁶ Acceptà en la votaziun dal pievel dals 28 da nov. 2004, entrada en vigur ils 1. da schan. 2008 (COF dals 3 d'oct. 2003, COCF dals 26 da schan. 2005, COCF dals 7 da nov. 2007 – AS **2007** 5765; BBI **2002** 2291, **2003** 6591, **2005** 951).

* Cun disposiziun transitorica.

² Ils chantuns promovan l'integraziun d'invalids, spezialmain tras contribuziuns vi da la construcziun e vi da la gestiun d'instituziuns che servan ad abitar ed a lavurar.

³ La lescha fixescha las finamiras, ils princips ed ils criteris da l'integraziun.

Art. 112c⁵⁷ Agid als attempads ed als impedids*

¹ Ils chantuns procuran per l'agid e per la tgira dals attempads e dals impedids a chasa.

² La Confederaziun sustegna stentas per tut la Svizra en favur dals attempads e dals impedids a chasa. Per quest intent po ella impunder medis finanzials da l'assicuranza da vegls, survivents ed invalids.

Art. 113 Prevenziun professiunala*

¹ La Confederaziun decretescha prescrizioni davart la prevenziun professiunala.

² Ella observa ils suustants princips:

- a. La prevenziun professiunala pussibilitescha ensemens cun l'assicuranza da vegls, survivents ed invalids da mantegnair il nivel da viver anterius a moda commensurada.
- b. La prevenziun professiunala è obligatorica per lavurantas e lavurants; la lescha po prevair excepiuns.
- c. Las patrunas ed ils patruns assicureschan lur lavurantas e lavurants tar ina instituziun da prevenziun; sche necessari dat la Confederaziun ad els la pussaivladad d'assicurar las lavurantas ed ils lavurants tar ina instituziun da prevenziun federala.
- d. Persunas cun gudogn independent pon s'assicurar voluntarmain tar ina instituziun da prevenziun.
- e. Per tschertas gruppas da persunas cun gudogn independent po la prevenziun professiunala vegnir declarada sco obligatorica, saja quai generalmain u per singulas ristgas.

³ La prevenziun professiunala vegn finanziada tras las contribuziuns dals assicurads; latiers pajan las patrunas ed ils patruns almain la mesedad da las contribuziuns da lur lavurantas e lavurants.

⁴ Las instituziuns da prevenziun ston satisfar a las pretensiuns minimalas dal dretg federal; per la schliazun d'incumbensas spezialas po la Confederaziun prevair mesiras appligtigables en tut la Svizra.

⁵⁷ Acceptà en la votaziun dal pievel dals 28 da nov. 2004, entrada en vigur ils 1. da schan. 2008 (COF dals 3 d'oct. 2003, COCF dals 26 da schan. 2005, COCF dals 7 da nov. 2007 – AS 2007 5765; BBI 2002 2291, 2003 6591, 2005 951).

* Cun disposizion transitorica.

* Cun disposizion transitorica.

Art. 114 Assicuranza da dischoccupads

¹ La Confederaziun decretescha prescripziuns davart l'assicuranza da dischoccupads.

² Ella observa ils sustants princips:

- a. L'assicuranza conceda ina cumpensaziun commensurada da l'acquist e sustegna mesiras destinadas per impedir e cumbatter la dischoccupaziun.
- b. La participaziun è obligatoria per laverantas e laverants; la lescha po prevaire excepziuns.
- c. Persunas cun gudogn independent pon s'assicurar voluntarmain.

³ L'assicuranza vegn finanziada tras las contribuziuns dals assicurads; latiers pajan las patrunas e patruns la mesedad da las contribuziuns per lur laverantas e laverants.

⁴ La Confederaziun ed ils chantuns furneschan prestaziuns finanzialas en cas da relaziuns extraordinarias.

⁵ La Confederaziun po decretar prescripziuns davart il provediment dals dischoccupads.

Art. 115 Sustegniment da persunas basegnusas

Persunas basegnusas vegnan sustegnididas da lur chantun da domicil. La Confederaziun regla las excepziuns e las cumpetenças.

Art. 116 Supplements da famiglias ed assicuranza da maternitat

¹ Ademplind sias incumbensas resguarda la Confederaziun ils basegns da la famiglia. Ella po sustegnair mesiras per la proteczion da la famiglia.

² Ella po decretar prescripziuns davart ils supplements da famiglia e manar ina cassa federala da cumpensaziun.

³ Ella instituescha in'assicuranza da maternitat. Er persunas che na pon betg giudair las prestaziuns da l'assicuranza pon vegnir obligadas da pajar contribuziuns.

⁴ La Confederaziun po declarar sco obligatoria la participaziun a cassas da cumpensaziun per famiglias e l'assicuranza da maternitat, saja quai generalmain u per singulas gruppas da la populaziun; ella po far dependentas sias prestaziuns da prestaziuns commensuradas dals chantuns.

Art. 117 Assicuranza da malsauns e cunter accidents

¹ La Confederaziun decretescha prescripziuns davart l'assicuranza da malsauns e cunter accidents.

² Ella po declarar sco obligatoria l'assicuranza da malsauns e cunter accidents, saja quai generalmain u per singulas gruppas da la populaziun.

Art. 117a⁵⁸ Provediment medicinal da basa

¹ En il rom da lur cumpetenzas procuran la Confederaziun ed ils chantuns che tutt hajjan access ad in provediment medicinal da basa suffizient e d'auta qualitat. Els renconuschan e promovan la medischina da famiglia sco cumentanta essenziala da quest provediment da basa.

² La Confederaziun decretescha prescripziuns davart:

- a. la scolaziun e la farmaziun supplementara per professiuns dal provediment medicinal da basa e las pretensiuns per pratigar questas professiuns;
- b. l'indemnisazion adequata da las prestaziuns da la medischina da famiglia.

Art. 118 Protecziun da la sanadad

¹ En il rom da sias cumpetenzas prenda la Confederaziun mesiras per proteger la sanadad.

² Ella decretescha prescripziuns davart:

- a. la manipulaziun da vuctualias sco er da medicaments, meds narcotics, organissem, chemicalias ed objects che pon periclitar la sanadad;
- b. il cumbat cunter malsognas d'umans u d'animals transmissiblas e fitg deradas u privlusas;
- c. la protecziun cunter radis ionisants.

Art. 118a⁵⁹ Medischina cumplementara

En il rom da lur cumpetenzas procuran la Confederaziun ed ils chantuns ch'i vegnia tegnì quint da la medischina cumplementara.

Art. 118b⁶⁰ Perscrutaziun vi da l'uman

¹ La Confederaziun decretescha prescripziuns davart la perscrutaziun vi da l'uman, uschenavant che la protecziun da sia dignitat e da sia personalitat pretendan quai. En quest connex preserva ella la libertad da la perscrutaziun e tegna quint da l'impartanza da la perscrutaziun per la sanadad e per la societad.

² Per la perscrutaziun biologica e medicinala vi da l'uman resguarda ella ils princips suandants:

⁵⁸ Acceptà en la votaziun dal pievel dals 18 da matg 2014, entrada en vigur ils 18 da matg 2014 (COF dals 19 da sett. 2013, COCF dals 18 d'avust 2014 – AS **2014** 2769; BBI **2010** 2939, **2011** 4435, **2013** 7347, **2014** 6349).

⁵⁹ Acceptà en la votaziun dal pievel dals 17 da matg 2009, entrada en vigur ils 17 da matg 2009 (COF dals 3 d'oct. 2008, COCF dals 21 d'oct. 2009 – AS **2009** 5325; BBI **2005** 6001, **2006** 7591, **2008** 8229, **2009** 7539).

⁶⁰ Acceptà en la votaziun dal pievel dals 7 da mars 2010, entrada en vigur ils 7 da mars 2010 (COF dals 25 da sett. 2009, COCF dals 15 d'avr. 2010 – AS **2010** 1569; BBI **2007** 6713, **2009** 6649, **2010** 2625).

- a. mintga project da perscrutaziun premetta che la persuna che sa participescha a quest project u che la persuna ch'è autorisada tenor lescha da far quai haja dà ses consentiment suenter esser vegnida infurmada suffizientamain. La lescha po prevair excepziuns. Ina refusa è en mintga cas lianta;
- b. ils ristgs e las grevezzas per la persuna che sa participescha ad in project da perscrutaziun na dastgan betg star en ina disproporzion cun il niz che resulta da quest project;
- c. in project da perscrutaziun dastga vegnir realisà cun persunas incapablas da giuditgar sulettamain, sche enconuschienschas equivalentas na pon betg vegnir cuntanschidas cun persunas capablas da giuditgar. Sch'il project da perscrutaziun na lascha betg spetgar in niz direct per las persunas incapablas da giuditgar, dastgan ils ristgs e las grevezzas esser mo minimals;
- d. ina examinaziun independenta dal project da perscrutaziun sto confermar che la protecziun da las persunas che sa participeschan a quest project è garantida.

Art. 119 Medischina da reproducziun e tecnologia da gens sin il sectur uman

¹ L'uman è protegì dal diever abusiv da la medischina da reproducziun e da la tecnologia da gens.

² La Confederaziun decretescha prescripziuns davart il tractament da schermenza e dal patrimoni genetic da l'uman. Ella procura per la protecziun da la dignitat dals umans, da la personalidad e da la famiglia ed observa particularmain ils sustants princips:

- a. Tuts geners da clonar ed intervenziuns en il patrimoni genetic da cellas sexualas e d'embrios èn scumandads.
- b. Schermenzas e patrimonis genetics na umans na dastgan betg vegnir transfe-rids en schermenzas umanas u vegnir unids cun quellas.
- c.⁶¹ Las proceduras da reproducziun cun agid da la medischina dastgan be vegnir appligadas, sche la sterilitad u il privel dal transferiment d'ina greva malsogna na po betg vegnir eliminà autramain, dentant betg per obtegnair tscher-tas qualitads tar l'uffant u per far perscrutaziuns; la fructificaziun da cellas d'ov umanas ordaifer il corp da la dunna è permessa be sut las cundiziuns fi-xadas da la lescha; ordaifer il corp da la dunna dastg'ins sviluppar mo tantas cellas d'ov umanas ad embryos sco quai ch'ins dovrà per la reproducziun cun agid da la medischina.
- d. La donaziun d'embrios e tuts geners da maternitads fittadas èn scumandads.
- e. Cun schermenzas umanas e cun products ord embryos na dastga betg vegnir fatg kommerzi.

⁶¹ Acceptà en la votaziun dal pievel dals 14 da zer. 2015, entrada en vigur ils 14 da zer. 2015 (COF dals 12 da dec. 2014, COCF dals 21 d'avust 2015 – AS 2015 2887; BBI 2013 5853, 2014 9675, 2015 6313).

- f. Il patrimoni genetic d'ina persuna dastga sulettamain veginr analisà, registrà u palesà, sche la persuna pertutgada dat il consentiment u sche la lescha prescriva quai.
- g. Mintga persuna ha access a las datas davart ses origin genetic.

Art. 119a⁶² Medischina da transplantaziun

¹ La Confederaziun decretescha prescripziuns sin il sectur da la transplantaziun d'organs, tessids e cellas. Ella procura en quest connex per la protecziun da la dignitat umana, da la personalitat e da la sanadat.

² Ella fixescha oravant tut ils criteris per in'attribuziun gista dals organs.

³ La donaziun d'organs, da tessids e da cellas d'umans è gratuita. Il commerzi cun organs umans è scumandà.

Art. 120 Tecnologia da gens en il sectur betg uman*

¹ L'uman e ses ambient èn protegids dal diever abusiv da la tecnologia da gens.

² La Confederaziun decretescha prescripziuns davart il tractament da la schermenza e dal patrimoni genetic d'animals, da plantas ed d'auters organissems; ella tegna quint da la dignitat da las creatiras sco er da la segirezza dals umans, dals animals e da l'ambient e protegia la varietad genetica da las spezias dals animals e da las plantas.

9. partiziun Dimora e domicil da persunas estras

Art. 121 Legislazion en il sectur da las persunas estras e dals fatgs d'asil*⁶³

¹ La legislazion davart l'entrada, la partenza, la dimora ed il domicil da persunas estras sco er davart la concessiun d'asil suttastat a la Confederaziun.

² Las persunas estras pon veginr expulsadas da la Svizra, sch'ellas periclitescan la segirezza dal pajais.

³ Ellas perdan lur dretg da dimora sco er las pretensiuns da dretg che stattan en connex cun lur dimora en Svizra, independentamain da lur status tenor il dretg da persunas estras, sch'ellas:

⁶² Acceptà en la votaziun dal pievel dals 7 da favr. 1999, entrada en vigur ils 1. da schan 2000 (COF dals 26 da zer. 1998, COCF dals 23 da mars 1999 – AS **1999** 1341; BBI **1997** III 653, **1998** 3473, **1999** 2912 8768).

* Cun disposizion transitorica.

* Cun disposizion transitorica.

⁶³ Acceptà en la votaziun dal pievel dals 9 da favr. 2014, entrada en vigur ils 9 da favr. 2014 (COF dals 27 da sett. 2013, COCF dals 13 matg 2014 – AS **2014** 1391; BBI **2011** 6269, **2012** 3869, **2013** 291 7351, **2014** 4117).

- a. èn vegnidas sentenziadas cun vigur legala pervia d'in delict da mazzament intenziunà, pervia d'ina violaziun u pervia d'in auter delict sexual grev, pervia d'in auter delict da violenza sco rapina, pervia da commerzi cun umans, pervia da commerzi cun drogas u pervia d'in delict d'infracziun; u
- b. han retratg en moda abusiva prestaziuns da las assicuranzas socialas u da l'agid social.⁶⁴

⁴ Il legislatur precisescha ils causals tenor l'alinea 3. El po cumplettar la glista cun ulteriurs causals.⁶⁵

⁵ Las personas estras che perdan – tenor ils alineas 3 e 4 – lur dretg da dimora sco er tut las pretensiuns da dretg che stattan en connex cun lur dimora en Svizra ston vegnir expulsadas da l'autoritatad cumpetenta or da la Svizra e ston vegnir chastiadas cun in scumond d'entrar en Svizra da 5 fin 15 onns. En cas da repetiziun sto il scumond d'entrar en Svizra vegnir fixà a 20 onns.⁶⁶

⁶ Tgi che violescha il scumond d'entrar en Svizra u tgi ch'entra en autra moda u maniera illegalmain en Svizra, è culpabel. Il legislatur decretescha las disposiziuns correspondentes.⁶⁷

Art. 121a⁶⁸ Regulaziun da l'immigraziun*

¹ La Svizra regla en moda autonoma l'immigraziun da personas estras.

² Il dumber da permissiuns a personas estras per la dimora en Svizra vegn limità cun dumbers maximals e cun contingents annuals. Ils dumbers maximals valan per tut las permissiuns dal dretg da personas estras inclusiv ils fatgs d'asil. Il dretg da survegnir ina dimora durabla, da pudair reunir la famiglia e da survegnir prestaziuns socialas po vegnir limità.

³ Ils dumbers maximals ed ils contingents annuals per personas estras cun activitatad da gudogn ston s'orientar tenor ils interess economics globals da la Svizra, respectand il princip da priorisar las Svizras ed ils Svizzers. En quest connex ston vegnir resguardadas las cunfinarias ed ils cunfinaris. Ils criteris decisivs per conceder permissiuns da dimora èn en spezial la dumonda d'in patrun, l'abilitad da s'integrar ed ina basa d'existenza suffizienta ed independenta.

⁶⁴ Acceptà en la votaziun dal pievel dals 28 da nov. 2010, entrada en vigur ils 28 da nov. 2010 (COF dals 18 da zer. 2010, COCF dals 17 mars 2011 – AS **2011** 1199; BBI **2008** 1927, **2009** 5097, **2010** 4241, **2011** 2771).

⁶⁵ Acceptà en la votaziun dal pievel dals 28 da nov. 2010, entrada en vigur ils 28 da nov. 2010 (COF dals 18 da zer. 2010, COCF dals 17 mars 2011 – AS **2011** 1199; BBI **2008** 1927, **2009** 5097, **2010** 4241, **2011** 2771).

⁶⁶ Acceptà en la votaziun dal pievel dals 28 da nov. 2010, entrada en vigur ils 28 da nov. 2010 (COF dals 18 da zer. 2010, COCF dals 17 mars 2011 – AS **2011** 1199; BBI **2008** 1927, **2009** 5097, **2010** 4241, **2011** 2771).

⁶⁷ Acceptà en la votaziun dal pievel dals 28 da nov. 2010, entrada en vigur ils 28 da nov. 2010 (COF dals 18 da zer. 2010, COCF dals 17 mars 2011 – AS **2011** 1199; BBI **2008** 1927, **2009** 5097, **2010** 4241, **2011** 2771).

⁶⁸ Acceptà en la votaziun dal pievel dals 9 da favr. 2014, entrada en vigur ils 9 da favr. 2014 (COF dals 27 da sett. 2013, COCF dals 13 matg 2014 – AS **2014** 1391; BBI **2011** 6269, **2012** 3869, **2013** 291 7351, **2014** 4117).

* Cun dispositiun transitorica.

⁴ I na dastgan vegnir fatgs nagins contracts internaziunals che cuntrafan a quest artigel.

⁵ La lescha regla ils detagls.

10. partiziu Dretg civil, dretg penal, metrologia

Art. 122⁶⁹ Dretg civil

¹ La legislaziun concernent il dretg civil ed il dretg da process civil suttastat a la Confederaziun.

² Ils chantuns èn cumpetents per l'organisaziun da las dretgiras e la giurisdicziun en fatgs civils, uschenavant che la lescha na prevesa nagut auter.

Art. 123⁷⁰ Dretg penal

¹ La legislaziun concernent il dretg penal ed il dretg da process penal suttastat a la Confederaziun.

² Ils chantuns èn cumpetents per l'organisaziun da las dretgiras, la giurisdicziun en fatgs penals sco er per l'execuziun penala e l'execuziun da mesiras, uschenavant che la lescha na prevesa nagut auter.

³ La Confederaziun po decretar prescripcziuns davart l'execuziun da chastis e da mesiras. Ella po conceder contribuziuns als chantuns per:

- a. la construcziun da stabiliments;
- b. meglieraziuns da l'execuziun da chastis e da mesiras;
- c. instituziuns ch'exequeschan mesiras educativas en favur d'uffants, giuvenils e giuvens creschids.⁷¹

Art. 123a⁷²

¹ Sch'in delinquent sexual u violent vegn resguardà sco extremamain privlus e considerà sco indifferent a la terapia en las expertisas ch'èn necessarias per la sentenzia

⁶⁹ Acceptà en la votaziun dal pievel dals 12 da mars 2000, entrada en vigur ils 1. da schan. 2007 (COF dals 8 d'oct. 1999, COCF dals 17 da matg 2000, COF dals 8 da mars 2005 – AS **2002** 3148, **2006** 1059; BBI **1997** I 1, **1999** 8633, **2000** 2990, **2001** 4202).

⁷⁰ Acceptà en la votaziun dal pievel dals 12 da mars 2000, entrada en vigur ils 1. d'avr. 2003 (COF dals 8 d'oct. 1999, COCF dals 17 da matg 2000, COF dals 24 da sett. 2002 – AS **2002** 3148; BBI **1997** I 1, **1999** 8633, **2000** 2990, **2001** 4202).

⁷¹ Acceptà en la votaziun dal pievel dals 28 da nov. 2004, entrada en vigur ils 1. da schan. 2008 (COF dals 3 d'oct. 2003, COCF dals 26 da schan. 2005, COCF dals 7 da nov. 2007 – AS **2007** 5765; BBI **2002** 2291, **2003** 6591, **2005** 951).

⁷² Acceptà en la votaziun dal pievel dals 8 da favr. 2004, entrada en vigur ils 8 da favr. 2004 (COF dals 20 da zer. 2003, COCF dals 21 d'avr. 2004 – AS **2004** 2341; BBI **2000** 3336, **2001** 3433, **2003** 4434, **2004** 2199).

giudiziala, sto el vegnir internà a vita duranta, pervia da la gronda ristga da recidiva. Relaschada anticipada e congedi èn exclus.

² Novas expertisas pon vegnir fatgas mo, sche novas enconuschienschas scientificas cumprovan ch'il delinquent po vegnir guarì e ch'el na represchenta alura betg pli in privel per la publicitat. L'autoritad ch'ha dismess l'internament sin fundament da questas novas expertisas sto surpigliar la responsabladad per ina recidiva dal delinquent.

³ Tut las expertisas necessarias per giuditgar ils delinquents sexuals e violents ston vegnir fatgas duas spezialists independents vicendaivlamain e cun experientscha, e quai resguardond tut ils elements impurtants per il giudicament.

Art. 123b⁷³ Nunscadenza da la persecuziun penala e dal chasti tar delicts sexuals e pornografics vi d'uffants avant lur pubertad

La persecuziun da delicts sexuals u pornografics vi d'uffants che n'èn betg anc en la pubertad ed il chasti per tals delicts na scadan betg.

Art. 123c⁷⁴ Mesira suenter delicts sexuals cun uffants u cun persunas inablas da sa defender u da giuditgar

Tgi ch'è vegni sentenzià, perquai ch'el ha violà l'integritad sexuala d'in uffant u d'ina persuna dependenta, perda definitivamain il dretg da pratitgar in'activitat professiunala u onurara cun persunas minorenas u dependentas.

Art. 124 Agid a victimas

Confederaziun e chantuns procuran che persunas ch'èn vegnididas pregiuditgadas tras in delict en lur integritad corporala, psichica u sexuala, obtegnian agid e vegnian er indemnisisadas commensuradaman, sch'ellas èn vegnididas en difficultads economicas pervia dal delict.

Art. 125 Metrologia

La legislaziun davart la metrologia è chaussa da la Confederaziun.

⁷³ Acceptà en la votaziun dal pievel dals 30 da nov. 2008, entrada en vigur ils 30 da nov. 2008 (COF dals 13 da zer. 2008, COCF dals 23 da schan. 2009 – AS **2009** 471; BBI **2006** 3657, **2007** 5369, **2008** 5245, **2009** 605).

⁷⁴ Acceptà en la votaziun dal pievel dals 18 da matg 2014, entrada en vigur ils 18 da matg 2014 (COCF dals 20 da favr. 2014 – AS **2014** 2771; BBI **2009** 7021, **2011** 4435, **2012** 8819, **2014** 6349 1779).

3. chapitel Urden da finanzas

Art. 126⁷⁵ Gestiun da las finanzas

- ¹ La Confederaziun tegna en equiliber a lunga vista sias expensas ed entradas.
- ² L'import maximal da las expensas cumplessivas ch'en d'approvar en il preventiv sa drizza tenor las entradas stimadas, resguardond la situazion economica.
- ³ En cas d'in basegn extraordinari da pajaments po vegnir augmentà commensuradament l'import maximal tenor l'alinea 2. Davant un augment concluda l'Assamblea federala tenor l'artitgel 159 alinea 3 litera c.
- ⁴ Sche las expensas cumplessivas che sa mussan en il quint dal stadi surpassan l'import maximal tenor l'alinea 2 u 3, èn las expensas supplementaras da cumpensar durant ils onns sequents.
- ⁵ La lescha regla ils detaglis.

Art. 127 Princips da l'imposiziun da taglia

- ¹ La furmazion da las taglias, particularmain il circul dals pajataglia, l'object da la taglia e la calculaziun da quella, è da reglar en ses princips en la lescha sezza.
- ² Uschenavant ch'il gener da taglia permetta quai, èn d'observar oravant tut ils princips da la generalitat e da la regularitat da l'imposiziun da taglia sco er il princip da l'imposiziun tenor la capacitat economica.
- ³ L'imposiziun dubla da taglia tranter ils chantuns è scumandada. La Confederaziun prenda las mesiras necessarias.

Art. 128 Taglias directas*

- ¹ La Confederaziun po incassar ina taglia directa:
 - a. da maximalmain 11,5 pertschient sin l'entrada da persunas natirales;
 - b.⁷⁶ da maximalmain 8,5 pertschient sin il retgav net da las persunas giuridicas;
 - c.⁷⁷ ...
- ² Fixond las tariffas resguarda la Confederaziun las grevezzas fiscales da las taglias directas dals chantuns e da las vischnancas.

⁷⁵ Acceptà en la votaziun dal pievel dals 2 da dec. 2001, entrada en vigur ils 2 da dec. 2001 (COF dals 22 da zer. 2001, COCF dals 4 da favr. 2002 – AS **2002** 241; BBI **2000** 4653, **2001** 2387 2878, **2002** 1209).

* Cun disposiziun transitorica.

⁷⁶ Acceptà en la votaziun dal pievel dals 28 da nov. 2004, entrada en vigur ils 1. da schan. 2007 (COF dals 19 da mars 2004, COCF dals 26 da schan. 2005, COCF dals 2 da favr. 2006 – AS **2006** 1057; BBI **2003** 1531, **2004** 1363, **2005** 951).

⁷⁷ Aboli en la votaziun dal pievel dals 28 da nov. 2004, cun effect dapi ils 1. da schan. 2007 (COF dals 19 da mars 2004, COCF dals 26 da schan. 2005, COCF dals 2 da favr. 2006 – AS **2006** 1057; BBI **2003** 1531, **2004** 1363, **2005** 951).

³ Tar la taglia sin l'entrada da las persunas naturalas vegnan gulivadas periodicamain las consequenzas da la progressiun fraida.

⁴ La taglia vegn fixada ed incassada dals chantuns. Dal retgav brut da taglia van almain 17 pertschient als chantuns. Questa procentuala po vegnir reducida fin a 15 pertschient, sch'ils effects da la gulivaziun da finanzas pretendan quai.⁷⁸

Art. 129 Armonisaziun da taglia

¹ La Confederaziun fixescha ils princips da l'armonisaziun da las taglias directas da la Confederaziun, dals chantuns e da las vischnancas; ella resguarda las stentas dals chantuns per in'armonisaziun da taglia.

² L'armonisaziun s'estenda a l'obligaziun da pajar taglia, a l'object ed a la fixaziun temporara da las taglias, al dretg da procedura ed al dretg penal fiscal. Exclus da l'armonisaziun èn particularmacain las tariffas da taglia, ils pes da taglia ed ils imports libers da la taglia.

³ La Confederaziun po decretar prescripziuns cunter la concessiun d'avantatgs fis- cals nungiustifitgads.

Art. 130⁷⁹ Taglia sin la plivalur*

¹ La Confederaziun po incassar ina taglia sin la plivalur cun ina taxa normala da maximalmain 6,5 pertschient ed ina taxa reducida d'almain 2,0 pertschient sin furnizius d'objects e sin prestaziuns da servetsch inclusiv per agen diever sco er sin im- ports.

² La lescha po fixar per la taxaziun da las prestaziuns dal sectur d'alloschament ina taxa tranter la taxa reducida e la taxa normala.⁸⁰

³ Sche la finanziaziun da l'assicuranza per vegls, survivents ed invalids n'è betg pli garantida pervia dal svilup da la structura da vegliadetgna, po la taxa normala vegnir auzada cun ina lescha federala per maximalmain 1 pertschient e la taxa reducida per maximal 0,3 pertschient.⁸¹

⁷⁸ Acceptà en la votaziun dal pievel dals 28 da nov. 2004, entrada en vigur ils 1. da schan. 2008 (COF dals 3 d'oct. 2003, COCF dals 26 da schan. 2005, COCF dals 7 da nov. 2007 – AS 2007 5765; BBI 2002 2291, 2003 6591, 2005 951).

⁷⁹ Acceptà en la votaziun dal pievel dals 28 da nov. 2004, entrada en vigur ils 1. da schan. 2007 (COF dals 19 da mars 2004, COCF dals 26 da schan. 2005, COCF dals 2 da favr. 2006 – AS 2006 1057; BBI 2003 1531, 2004 1363, 2005 951).

* Cun disposiziun transitorica.

⁸⁰ Dal 1. da schan. 2018 fin maximalmain ils 31 da dec. 2027 importa la taxa speziala per prestaziuns dal sectur d'alloschament 3,7 % (art. 25 al. 4 da la LF dals 12 da zer. 2009 davart la taglia sin la plivalur – SR **641.20**).

⁸¹ Dal 1. da schan. 2018 fin maximalmain ils 31 da dec. 2030 importan las taxas da la taglia sin la plivalur 7,7 % (taxa normala) e 2,5 % (taxa reducida) (art. 25 al. 1 e 2 da la LF dals 12 da zer. 2009 davart la taglia sin la plivalur – SR **641.20**).

^{3bis} Per finanziar l'infrastructura da viafier vegnan augmentadas las tariffas per 0,1 puncts procentuals.⁸²

⁴ 5 pertschient dal retgav betg lià ad in intent vegn impundi per la reducziun da las premias en l'assicuranza da malsauns a favur da las classas d'entradas bassas, sch'i na vegn betg fixada tras la lescha in'autra utilisaziun per distgargiar las classas d'entradas bassas.

Art. 131 Taglias spezialas da consum*

¹ La Confederaziun po incassar taglias spezialas da consum sin:

- a. tubac e products da tubac;
- b. vinars;
- c. biera;
- d. automobils e lur elements;
- e. petroli, auters ielis minerals, gas natural ed ils products che vegnan gudagnads a chaschun da lur elavuraziun, sco er sin carburants.

² Ultra da quai po ella incassar:

- a. in supplement sin la taglia da consum sin tut ils carburants, cun excepziun dals carburants d'aviatica;
- b. ina taxa, sch'i vegnan duvrads per il vehichel a motor auters medts da propulsiu ch'ils carburants tenor l'alinea 1 litera e.⁸³

^{2bis} Sch'ils medts finanzials na bastan betg per ademplir las incumbensas en connex cun il traffic aviatic ch'en previsas en l'artitgel 87b, incassescha la Confederaziun in supplement sin la taglia da consum sin ils carburants d'aviatica.⁸⁴

³ Ils chantuns obtegnan 10 pertschient dal retgav net or da l'imposiziun da taglia sin vinars. Quests medts èn d'applitgar per cumbatter ils motivs e las consequenzas dal consum da substanzas che chaschunan dependenza.

Art. 132 Taglia da bul e taglia anticipada

¹ La Confederaziun po incassar ina taglia da bul sin vaglias, quittanzas da premias d'assicuranza e sin auters documents dal traffic commerzial; exclus da la taglia èn documents en connex cun fatgs funsils u ipotecars.

⁸² Acceptà en la votaziun dal pievel dals 9 da favr. 2014, entrada en vigur ils 1. da schan. 2016 (COF dals 20 da zer. 2013, COCF dals 13 da matg 2014, COCF dals 2 da zer. 2014, COCF dals 6 da zer. 2014 – AS 2015 645; BBI 2010 6637, 2012 1577, 2013 4725 6518, 2014 4113 4117).

* Cun disposiziun transitorica.

⁸³ Acceptà en la votaziun dal pievel dals 12 da favr. 2017, entrada en vigur ils 1. da schan. 2018 (COF dals 30 da sett. 2016, COCF dals 10 da nov. 2016 – AS 2017 6731; BBI 2015 2065, 2016 7587, 2017 3387).

⁸⁴ Acceptà en la votaziun dal pievel dals 12 da favr. 2017, entrada en vigur ils 1. da schan. 2018 (COF dals 30 da sett. 2016, COCF dals 10 da nov. 2016 – AS 2017 6731; BBI 2015 2065, 2016 7587, 2017 3387).

² La Confederaziun po incassar ina taglia anticipada sin il retgav da facultads moviblas da chapital, sin gudogns da lottaria sco er sin prestaziuns d'assicuranzas. 10 pertschient dal retgav da taglia van als chantuns.⁸⁵

Art. 133 Dazis

La legislaziun davart ils dazis ed autres taxas sin la martganzia che va suror ils cunfins suttastat a la Confederaziun.

Art. 134 Exclusiun da taglias chantunalas e communalas

Quai che la legislaziun federala inditgescha sco object da la taglia sin la plivalur, da las taglias spezialas da consum, da la taglia da bul e da la taglia anticipada u quai ch'ella declera sco liber da taglias, na dastga betg vegnir engrevgià dals chantuns e da las vischnancas cun taglias sumegliantias.

Art. 135⁸⁶ Gulivaziun da finanzas e da grevezzas

¹ La Confederaziun decretescha prescripziuns davart ina gulivaziun da finanzas e da grevezzas commensurada tranter la Confederaziun ed ils chantuns sco er tranter ils chantuns.

² La gulivaziun da finanzas e da grevezzas duai spezialmain:

- a. reducir las differenzas tranter ils chantuns areguard la capacitat finanziala;
- b. garantir als chantuns resursas finanzialas minimalas;
- c. gulivar grevezzas finanzialas sproporziunadas dals chantuns chaschunadas da lur cundiziuns geologicas, topograficas u socio-demograficas;
- d. promover la collavuraziun interchantunala cun gulivar las grevezzas;
- e. mantegnair la cumpetitivitat fiscala dals chantuns sin plau naziunal ed internaziunal.

³ Ils meds per la gulivaziun da las resursas vegnan mess a disposiziun dals chantuns cun bleras resursas e da la Confederaziun. Las prestaziuns dals chantuns cun bleras resursas muntan almain a dus terzs e maximal ad 80 pertschient da las prestaziuns da la Confederaziun.

⁸⁵ Acceptà en la votaziun dal pievel dals 28 da nov. 2004, entrada en vigur ils 1. da schan. 2008 (COF dals 3 d'oct. 2003, COCF dals 26 da schan. 2005, COCF dals 7 da nov. 2007 – AS 2007 5765; BBI 2002 2291, 2003 6591, 2005 951).

⁸⁶ Acceptà en la votaziun dal pievel dals 28 da nov. 2004, entrada en vigur ils 1. da schan. 2008 (COF dals 3 d'oct. 2003, COCF dals 26 da schan. 2005, COCF dals 7 da nov. 2007 – AS 2007 5765; BBI 2002 2291, 2003 6591, 2005 951).

4. titel Pievel e chantuns

1. chapitel Disposiziuns generalas

Art. 136 Dretgs politics

¹ Tut las Svizras e tut ils Svizzers che han accumplì il 18avel onn e che n'èn betg mess sut avugà pervia da malsogna u flaiiezza da spiert, disponan dals dretgs politics en fatgs federais. Tuts han ils medems dretgs e duairs politics.

² Els pon sa participar a las elecziuns dal Cussegli naziunal ed a las votaziuns federales e dastgan lantschar e suttascriver iniziativas dal pievel e referendums en fatgs federais.

Art. 137 Partidas politicas

Las partidas politicas gidan a furmar l'opiniun e la voluntad dal pievel.

2. chapitel Iniziativa e referendum

Art. 138 Iniziativa dal pievel per ina revisiun totala da la Constituziun federala

¹ 100 000 votantas e votants pon proponer, aifer 18 mais dapi la publicaziun uffiziala da lur iniziativa, ina revisiun totala da la Constituziun federala.⁸⁷

² Questa proposta è da suttametter al pievel per la votaziun.

Art. 139⁸⁸ Iniziativa dal pievel per ina revisiun parziale da la Constituziun federala

¹ 100 000 votantas e votants pon pretender ina revisiun parziale da la Constituziun federala, e quai entaifer 18 mais dapi la communicaziun uffiziala da lur iniziativa.

² L'iniziativa dal pievel per ina revisiun parziale da la Constituziun federala po avair la furma d'ina proposta generala u d'in sboz elavurà.

³ Sche l'iniziativa violescha l'unitad da la furma, l'unitad da la materia u disposiziuns obligantas dal dretg internaziunal, vegn ella declarada sco cumplettamain u parzialmain nunvalaivla da l'Assamblea federala.

⁴ Sche l'Assamblea federala va d'accord cun ina iniziativa en furma d'ina proposta generala, elavura ella la revisiun parziale en il senn da l'iniziativa e la suttametta a la votaziun dal pievel e dals chantuns. Sch'ella refusa l'iniziativa, suttametta ella questa a la votaziun dal pievel; il pievel decida, sch'igl è da dar suatienscha a l'iniziativa.

⁸⁷ Acceptà en la votaziun dal pievel dals 9 da favr. 2003, entrada en vigur ils 1. d'avust 2003 (COF dals 4 d'oct. 2002, COCF dals 25 da mars 2003, COF dals 19 da zer. 2003 – AS **2003** 1949; BBI **2001** 4803 6080, **2002** 6485, **2003** 3111 3954 3960).

⁸⁸ Acceptà en la votaziun dal pievel dals 27 da sett. 2009, entrada en vigur ils 27 da sett. 2009 (COF dals 19 da dec. 2008, COCF dal 1. da dec. 2009 – AS **2009** 6409; BBI **2008** 2891 2907, **2009** 13 8719).

tiva. Sch'il pievel accepta l'iniziativa, elavura l'Assamblea federala in project correspondant.

⁵ Ina iniziativa en furma d'in sboz elavurà vegn puttamessa a la votaziun dal pievel e dals chantuns. L'Assamblea federala recumonda d'acceptar u da refusar l'iniziativa. Ella po confruntar l'iniziativa cun ina cuntraproposta.

Art. 139^a⁸⁹

Art. 139^b⁹⁰ Procedura en cas da la votaziun davart ina iniziativa cun ina cuntraproposta

¹ Las votantas ed ils votants decidan il medem mument davart l'iniziativa e davart la cuntraproposta.⁹¹

² Els pon acceptar domadus projects en votaziun. En la dumonda decisiva pon els inditgar, a qual project ch'els dessan la preferenza en il cas che domadus veggan acceptads.

³ Cur ch'ina midada da la constituziun vegg acceptada, ma che in project obtegna en la dumonda decisiva la maioritat da las vuschs dal pievel e l'auter la maioritat da las vuschs dals chantuns, alura entra en vigur quel project, tar il qual la summa da la procentuala da las vuschs dal pievel e da las vuschs dals chantuns en la dumonda decisiva è pli auta.

Art. 140 Referendum obligatoric

¹ Al pievel ed als chantuns veggan preschentadas per la votaziun:

- a. las midadas da la Constituziun federala;
- b. la participaziun ad organisaziuns per la segirezza collectiva u a cuminanzas supranaziunalas;
- c. las leschas federalas declaradas sco urgentas che n'hant nagina basa constituziunala e che han ina durada da validitat che surpassa in onn; talas leschas federalas ston veggir preschentadas per la votaziun entaifer in onn suenter l'acceptaziun tras l'Assamblea federala.

⁸⁹ Acceptà en la votaziun dal pievel dals 9 da favr. 2003 (COF dals 4 d'oct. 2002, COCF dals 25 da mars 2003 – AS **2003** 1949; BBI **2001** 4803 6080, **2002** 6485, **2003** 3111).

Aboli en la votaziun dal pievel dals 27 da sett. 2009, cun effect dapi ils 27 da sett. 2009 (COF dals 19 da dec. 2008, COCF dal 1. da dec. 2009 – AS **2009** 6409; BBI **2008** 2891 2907, **2009** 13 8719). Quest art. n'è mai entrà en vigur en la versiun dal COF dals 4 d'oct. 2002.

⁹⁰ Acceptà en la votaziun dal pievel dals 9 da favr. 2003, entrada en vigur dals al. 2 e 3 ils 1. d'avust 2003 (COF dals 4 d'oct. 2002, COCF dals 25 da mars 2003, COF dals 19 da zer. 2003 – AS **2003** 1949; BBI **2001** 4803 6080, **2002** 6485, **2003** 3111 3954 3960). L'al. 1 n'è mai entrà en vigur en la versiun dal COF dals 4 d'oct. 2002.

⁹¹ Acceptà en la votaziun dal pievel dals 27 da sett. 2009, entrada en vigur ils 27 da sett. 2009 (COF dals 19 da dec. 2008, COCF dal 1. da dec. 2009 – AS **2009** 6409; BBI **2008** 2891 2907, **2009** 13 8719).

² Al pievel vegnan suttamessas per la votaziun:

- a. las iniziativas dal pievel per ina revisiun totala da la Constituziun federala;
- a^{bis}⁹² ...
- b.⁹³ las iniziativas dal pievel per ina revisiun parziale da la Constituziun federala en furma d'ina proposta generala, las qualas èn vegnidas refusadas da l'Assemblea federala;
- c. la dumonda, sch'i saja da realisar ina revisiun totala da la Constituziun federala, en cas ch'ils dus cusseglis n'en betg da la medema opiniu.

Art. 141 Referendum facultativ

¹ Sche 50 000 votantas e votants u otg chantuns pretendan aifer 100 dis dapi la publicaziun uffiziala in votaziun davart in decret, alura vegnan suttamess a la votaziun dal pievel:⁹⁴

- a. leschas federalas;
- b. leschas federalas declaradas sco urgentas cun ina durada da validitat che surpassa in onn;
- c. conclus federals, sche la constituziun u la lescha prevesan quai;
- d. contracts internaziunals che
 - 1. èn da durada illimitada e nunvisabels,
 - 2. prevesan la participaziun ad in'organisaziun internaziunala,
 - 3.⁹⁵ cuntegnan disposiziuns impurtantas che fixeschan normas da dretg u da las qualas la realisaziun pretenda il decret da leschas federalas.

² ...⁹⁶

⁹² Acceptà en la votaziun dal pievel dals 9 da favr. 2003 (COF dals 4 d'oct. 2002, COCF dals 25 da mars 2003 – AS **2003** 1949; BBI **2001** 4803 6080, **2002** 6485, **2003** 3111). Aboli en la votaziun dal pievel dals 27 da sett. 2009, cun effect dapi ils 27 da sett. 2009 (COF dals 19 da dec. 2008, COCF dal 1. da dec. 2009 – AS **2009** 6409; BBI **2008** 2891 2907, **2009** 13 8719). Questa lit. n'è mai entrà en vigur en la versiun dal COF dals 4 d'oct. 2002.

⁹³ Acceptà en la votaziun dal pievel dals 27 da sett. 2009, entrada en vigur ils 27 da sett. 2009 (COF dals 19 da dec. 2008, COCF dal 1. da dec. 2009 – AS **2009** 6409; BBI **2008** 2891 2907, **2009** 13 8719).

⁹⁴ Acceptà en la votaziun dal pievel dals 9 da favr. 2003, entrada en vigur ils 1. d'avust 2003 (COF dals 4 d'oct. 2002, COCF dals 25 da mars 2003, COF dals 19 da zer. 2003 – AS **2003** 1949; BBI **2001** 4803 6080, **2002** 6485, **2003** 3111 3954 3960).

⁹⁵ Acceptà en la votaziun dal pievel dals 9 da favr. 2003, entrada en vigur ils 1. d'avust 2003 (COF dals 4 d'oct. 2002, COCF dals 25 da mars 2003, COF dals 19 da zer. 2003 – AS **2003** 1949; BBI **2001** 4803 6080, **2002** 6485, **2003** 3111 3954 3960).

⁹⁶ Aboli en la votaziun dal pievel dals 9 da favr. 2003, cun effect dapi ils 1. d'avust 2003 (COF dals 4 d'oct. 2002, COCF dals 25 da mars 2003, COF dals 19 da zer. 2003 – AS **2003** 1949; BBI **2001** 4803 6080, **2002** 6485, **2003** 3111 3954 3960).

Art. 141a⁹⁷ Realisaziun da contracts internaziunals

¹ Sch'il conclus d'approvaziun d'in contract internaziunal è suttamess al referendum obligatoric, po l'Assamblea federala integrar en quel las midadas constituziunals che servan a la realisaziun dal contract.

² Sch'il conclus d'approvaziun d'in contract internaziunal è suttamess al referendum facultativ, po l'Assamblea federala integrar en quel las midadas legalas che servan a la realisaziun dal contract.

Art. 142 Maioritads necessarias

¹ Ils projects suttamess a la votaziun dal pievel èn acceptads, sch'els obtegnan la maioritad da las vuschs da las votantas e dals votants (maioritad dal pievel).

² Ils projects suttamess a la votaziun dal pievel e dals chantuns èn acceptads, sch'els obtegnan la maioritad dal pievel e la maioritad dals chantuns.

³ Il resultat da la votaziun dal pievel en il chantun vala sco vusch dal chantun.

⁴ Ils chantuns Sursilvania, Sutsilvania, Basilea-Citad, Basilea-Champagna, Appenzell Dador ed Appenzell Dadens han mintgamai ina mesa vusch da chantun.

5. titel **Las autoritads federalas****1. chapitel** **Disposiziuns generalas****Art. 143** Elegibladad

En il Cussegl naziunal, en il Cussegl federal ed en il Tribunal federal èn elegibels tut las votantas e tut ils votants.

Art. 144 Incumpatibilitads

¹ Ils commembers dal Cussegl naziunal, dal Cussegl dals chantuns, dal Cussegl federal e dal Tribunal federal na pon betg appartegnair a medem temp ad in'autra autoritat.

² Ils commembers dal Cussegl federal e las derschadras ed ils derschaders dal Tribunal federal en uffizi cumplain na dastgan betg ademplir in'autra funcziun da la Confederaziun u d'in chantun e na dastgan exequir nagin'activitad da gudogn.

³ La lescha po prevair ulteriuras incumpatibilitads.

⁹⁷ Acceptà en la votaziun dal pievel dals 9 da favr. 2003, entrada en vigur ils 1. d'avust 2003 (COF dals 4 d'oct. 2002, COCF dals 25 da mars 2003, COF dals 19 da zer. 2003 – AS 2003 1949; BBI 2001 4803 6080, 2002 6485, 2003 3111 3954 3960).

Art. 145 Durada d'uffizi

Ils commembres dal Cussegli naziunal e dal Cussegli federal sco er la chanceliera u il chancelier da la Confederaziun vegnan elegids per quatter onns. Ils commembres dal Tribunal federal vegnan elegids per ina durada da sis onns.

Art. 146 Responsabludad dal stadi

La Confederaziun è responsabla per ils donns che ses organs chaschunan encunter il dretg exequind lur activitads uffizialas.

Art. 147 Procedura da consultaziun

Ils chantuns, las partidas politicas ed ils circuls interessads vegnan envidads da prender posizion tar la preparaziun da decrets impurtants e d'auters projects da gronda muntada sco er tar impurtants contracts da dretg internaziunal.

2. chapitel Assamblea federala**1. partiziun Organisaziun****Art. 148** Posiziun

¹ L'Assamblea federala exequescha la pussanza suprema da la Confederaziun, cun la resalva dals dretgs dal pievel e dals chantuns.

² L'Assamblea federala sa cumpona da duas chombras, dal Cussegli naziunal e dal Cussegli dals chantuns; las duas chombras han las medemas cumpetenzas.

Art. 149 Cumposiziun ed elecziun dal Cussegli naziunal

¹ Il Cussegli naziunal sa cumpona da 200 deputads dal pievel.

² Ils deputads vegnan elegids dal pievel en in'elecziun directa tenor il princip dal proporz. Mintga quatter onns ha lieu in'elecziun per la renovaziun totala.

³ Mintga chantun furma in circul electoral.

⁴ Ils mandats vegnan repartids sin ils chantuns tenor il dumber da la populaziun. Mintga chantun ha il dretg d'almain in mandat.

Art. 150 Cumposiziun ed elecziun dal Cussegli dals chantuns

¹ Il Cussegli dals chantuns sa cumpona dals 46 deputads dals chantuns.

² Ils chantuns Sursilvania, Sutsilvania, Basilea-Citat, Basilea-Champagna, Appenzell dador ed Appenzell dadens elegian mintgamai ina deputada u in deputà; ils auters chantuns elegian mintgamai dus deputads.

³ L'elecziun en il Cussegli dals chantuns vegn reglada dals chantuns.

Art. 151 Sessiuns

¹ Ils cussegliers sa radunan regularmain a sessiuns. La lescha regla la convocaziun a las sessiuns.

² Ils cussegliers vegnan convocads a sessiuns extraordinarias, sch'in quart dals commembers d'in cussegli u sch'il Cussegl federal pretendan quai.

Art. 152 Presidi

Mintga cussegl elegia or da ses mez in president sco er l'emprim ed il segund vicepresident per la durada d'in onn. Ina reelecziun per l'onn proxim è exclusa.

Art. 153 Cumissiuns parlamentaras

¹ Mintga cussegl instituescha cumissiuns or da ses mez.

² La lescha po prevair cumissiuns communablas.

³ La lescha po attribuir a tschertas cumissiuns singulas cumpetenzas che n'en betg da natira legislativa.

⁴ Per ademplir lur incumbensas han las cumissiuns il dretg d'infurmazion, d'invista e d'inquisiziun. Lur dimensiun vegn reglada da la lescha.

Art. 154 Fracziuns

Ils commembers da l'Assamblea federala pon furmar fraciuns.

Art. 155 Servetschs dal parlament

L'Assamblea federala dispona dals servetschs dal parlament. Ella po consultar posts da servetsch da l'administraziun federala. La lescha regla ils detagls.

2. partiziu Procedura**Art. 156 Deliberaziun separada**

¹ Il Cussegl naziunal ed il Cussegl dals chantuns delibereschan separadamain.

² Las decisiuns da l'Assamblea federala pretendan la concordanza dals dus cussegli.

³ La lescha prevesa disposiziuns per garantir ch'i dettia – en cas da divergenzas tranter las duas chombras – cunvegnas davart:

a. la valaivladad u la nunvalaivladad parziala d'ina iniziativa dal pievel;

b.⁹⁸ la realisaziun d'ina iniziativa dal pievel ch'è vegnida acceptada dal pievel en furma d'ina proposta generala;

⁹⁸ Acceptà en la votaziun dal pievel dals 27 da sett. 2009, entrada en vigur ils 27 da sett. 2009 (COF dals 19 da dec. 2008, COCF dal 1. da dec. 2009 – AS 2009 6409; BBI 2008 2891 2907, 2009 13 8719).

- c.⁹⁹ la realisaziun d'in conclus federal ch'il pievel ha approvà per iniziari ina revisiun totala da la Constituziun federala;
- d. il preventiv u in supplement a tal.¹⁰⁰

Art. 157 Deliberaziun communabla

¹ Il Cussegl naziunal ed il Cussegl dals chantuns deliberaeschun communablament sco Assamblea federala plenara sut la direcziun da la presidenta u dal president dal Cussegl naziunal per:

- a. far elecziuns;
- b. decider davart conflicts da cumpetenza tranter las autoritads supremas da la Confederaziun;
- c. pronunziar grazias.

² L'Assamblea federala plenara sa raduna ultra da quai per d'occasions spezialas e per prender enconuschiantscha da declaraziuns dal Cussegl federal.

Art. 158 Publicitat da las sedutas

Las sedutas dals cussegls èn publicas. La lescha po prevair excepcions.

Art. 159 Quorum e maioritad necessaria

¹ Ils cussegls pon deliberar valaivlamain, sche la maioritad da lur commembers è preschenta.

² En ils dus cussegls ed en l'Assamblea federala plenara decida la maioritad dals cussegliers.

³ Il consentiment da la maioritad dals commembers da mintgin dals dus cussegls dovrà dentant:

- a. la declaraziun d'urgenza da leschas federalas;
- b. las disposiziuns da subvenziun sco er credits impegnativs e limits da pajaments che han per consequenza novas expensas unicas da pli che 20 milliuns francs u novas expensas periodicas da pli che 2 milliuns francs;
- c.¹⁰¹ l'augment da las expensas cumplexivas en cas d'in basegn extraordinari da pajaments tenor l'artitgel 126 alinea 3.

⁹⁹ Acceptà en la votaziun dal pievel dals 27 da sett. 2009, entrada en vigur ils 27 da sett. 2009 (COF dals 19 da dec. 2008, COCF dal 1. da dec. 2009 – AS **2009** 6409; BBI **2008** 2891 2907, **2009** 13 8719).

¹⁰⁰ Acceptà en la votaziun dal pievel dals 9 da favr. 2003, entrada en vigur da las lit. a e d ils 1. d'avust 2003 (COF dals 4 d'oct. 2002, COCF dals 25 da mars 2003, COF dals 19 da zer. 2003 – AS **2003** 1949; BBI **2001** 4803 6080, **2002** 6485, **2003** 3111 3954 3960).

¹⁰¹ Acceptà en la votaziun dal pievel dals 2 da dec. 2001, entrada en vigur ils 2 da dec. 2001 (COF dals 22 da zer. 2001, COCF dals 4 da favr. 2002 – AS **2002** 241; BBI **2000** 4653, **2001** 2387 2878, **2002** 1209).

⁴ Cun in'ordinaziun po l'Assamblea federala adattar a la chareschia ils imports tenor l'alinea 3 litera b.¹⁰²

Art. 160 Dretg d'iniziativa e dretg da proposta

¹ Mintga commember dals cussegls, mintga fracciun, mintga cumissiun parlamentara e mintga chantun ha il dretg d'inoltrar iniziaticas a l'Assamblea federala.

² Ils commembers dals cussegls ed il Cussegl federal han il dretg da far propostas tar in affar en consultaziun.

Art. 161 Scumond d'instrucziuns

¹ Ils commembers da l'Assamblea federala vuschan senza instrucziuns.

² Els preschentan publicamain lur relaziuns cun gruppas d'interess.

Art. 162 Immunitad

¹ Ils commembers da l'Assamblea federala e dal Cussegl federal sco er la chancelleria federala u il chancelier federal na pon betg vegnir fatgs responsabels giuridicament per lur expectoraziuns en ils cussegls ed en lur organs.

² La lescha po prevair ulteriuras furmas d'immunitad ed extender quellas sin ulteriuras persunas.

3. partiziun Cumpetenzas

Art. 163 Furma dals decrets da l'Assamblea federala

¹ L'Assamblea federala decretescha disposiziuns legalas en la furma da leschas federales u d'ordinaziuns.

² Ils ulteriurs decrets vegnan fatgs en furma da conclus federalis. In conclus federal che n'è betg suttamess al referendum è in conclus federal simpel.

Art. 164 Legislaziun

¹ Tut las disposiziuns legalas impurtantias èn da decretar en la furma d'ina lescha federala. Latiers tutgan spezialmain las disposiziuns fundamentalas davart:

- a. il diever dals ils dretgs politics;
- b. las restricziuns da dretgs constituziunals;
- c. ils dretgs e las obligaziuns da persunas;
- d. il circul dals contribuents sco er l'object e la calculaziun da taxas;
- e. las incumbensas e las prestaziuns da la Confederaziun;

¹⁰² Acceptà en la votaziun dal pievel dals 2 da dec. 2001 (COF dals 22 da zer. 2001, COCF dals 4 da favr. 2002 – AS **2002** 241; BBi **2000** 4653, **2001** 2387 2878, **2002** 1209).

- f. las obligaziuns dals chantuns tar la realisaziun e l'execuziun dal dretg federal;
 - g. l'organisaziun e la procedura da las autoritads federalas.
- 2 Competenzas legislativas pon vegnir attribuidas tras lescha federala, sche quai na vegn betg exclus da la Constituziun federala.

Art. 165 Legislaziun en cas d'urgenza

- 1 Ina lescha federala che na supporta betg in retardament per entrar en vigur po vegnir declarada urgenta da la maioritad da mintga cussegli e vegnir messa en vigur immediatamain. Sia validitat è da limitar temporalmain.
- 2 Sche la votaziun dal pievel vegn pretendida pertutgant ina lescha federala declarada urgenta, perda la lescha sia vigur in onn suenter l'acceptazion tras l'Assamblea federala, sch'ella na vegn betg acceptada dal pievel entaifer quest termin.
- 3 Ina lescha federala declarada urgenta che n'ha betg ina basa constituziunala perda sia vigur in onn suenter l'acceptazion tras l'Assamblea federala, sch'ella na vegn betg acceptada dal pievel e dals chantuns entaifer quest termin. Sia validitat è da limitar temporalmain.
- 4 Ina lescha federala declarada urgenta che n'è betg vegnida acceptada en la votaziun dal pievel na po betg vegnir renovada.

Art. 166 Relaziuns cun l'exterior e contracts internaziunals

- 1 L'Assamblea federala sa participescha a la furmaziun da la politica exteriura e surveglia la tgira da las relaziuns cun l'exterior.
- 2 Ella approva ils contracts internaziunals, cun excepziun dals contracts ch'il Cussegl federal ha la competenza da concluder sin basa da la lescha u d'in contract internaziunal.

Art. 167 Finanzas

L'Assamblea federala conclude las expensas da la Confederaziun, fixescha il preventiv ed approva il quint dal stadi.

Art. 168 Elecziuns

- 1 L'Assamblea federala elegia ils commembers dal Cussegl federal, la chanceliera federala u il chancelier federal, las derschadras ed ils derschaders dal Tribunal federal sco er il general.
- 2 La lescha po autorisar l'Assamblea federala da far u da legalisar ulteriuras elecziuns.

Art. 169 Surveglianza suprema

¹ L'Assamblea federala ha la surveglianza suprema sur dal Cussegl federal e l'adминистрации federala, las dretgiras federalas ed ils auters pertadars d'incumbensas da la Confederaziun.

² L'obligaziun da mantegnair il secret professiunal na pon ins betg opponer a las de-legaziuns spezialas da las cumissiuns da surveglianza previsas da la lescha.

Art. 170 Examinaziun da l'efficacitad

L'Assamblea federala procura per l'examinaziun da l'efficacitad da las mesiras da la Confederaziun.

Art. 171 Incumbensas al Cussegl federal

L'Assamblea federala po dar incumbensas al Cussegl federal. La lescha regla ils detagls, oravant tut ils instruments, cun ils quals l'Assamblea federala po influenzar il sectur da cumpetenza dal Cussegl federal.

Art. 172 Relaziuns tranter la Confederaziun ed ils chantuns

¹ L'Assamblea federala procura per la tgira da las relaziuns tranter la Confederaziun ed ils chantuns.

² Ella garantescha las constituziuns chantunalas.

³ Ella approva ils contracts dals chantuns tranter els e cun l'exterior, sch'il Cussegl federal u in chantun fan protesta.

Art. 173 Ulteriuras incumbensas e cumpetenzas

¹ L'Assamblea federala ha ultra da quai las sequentias incumbensas e cumpetenzas:

- a. Ella prenda mesiras per mantegnair la segirezza externa, l'independenza e la neutralitat da la Svizra.
- b. Ella prenda mesiras per mantegnair la segirezza interna.
- c. Sche circumstanzas extraordinarias pretendan quai, po ella decretar ordinaziuns u conclus federals simpels per ademplir las incumbensas tenor las letras a e b.
- d. Ella cumonda il servetsch activ e mobilisescha per quest intent l'armada u parts da questa.
- e. Ella prenda mesiras per realisar il dretg federal.
- f. Ella decida davart la valaivladad d'iniziativas dal pievel reussidas.
- g. Ella cooperescha tar las planisaziuns impurtantas da l'actividad dal stadi.
- h. Ella decida davart singuls acts, sch'ina lescha federala prevesa quai explicitamain.

- i. Ella decida en conflicts da cumpetenzas tranter las autoritads federalas supremas.
 - k. Ella decida en dumondas da grazia e davart l'amnistia.
- 2 L'Assamblea federala tracta ultra da quai fatschentas che stattan en la cumpetenza da la Confederaziun e che n'èn betg attribuidas ad in'autra autoritat.
- 3 La lescha po attribuir ulteriuras incumbensas e cumpetenzas a l'Assamblea federala.

3. chapitel Cussegli federal ed administraziun federala

1. partiziun Organisaziun e procedura

Art. 174 Cussegli federal

Il Cussegli federal è l'autoritat directiva ed executiva suprema da la Confederaziun.

Art. 175 Cumposiziun ed elecziun

¹ Il Cussegli federal sa cumpona da set commembres.

² Ils commembres dal Cussegli federal vegnan elegids da l'Assamblea federala suenter mintga renovaziun totala dal Cussegli naziunal.

³ Ils commembres dal Cussegli federal vegnan elegids da l'Assamblea federala or da tut ils burgais svizzers ch'en elegibels sco commembres dal Cussegli naziunal per la durada da quatter onns.¹⁰³

⁴ Latiers sto vegnir procurà che las regiuns dal pajais e las regiuns linguisticas vegnian represchentadas adequatemamen.¹⁰⁴

Art. 176 Presidi

¹ La presidenta u il president da la Confederaziun presidiescha il Cussegli federal.

² La presidenta u il president da la Confederaziun e la vicepresidenta u il vicepresident dal Cussegli federal vegnan elegids da l'Assamblea federala or dals commembres dal Cussegli federal per ina perioda d'in onn.

³ La reelecziun per l'onn proxim è exclusa. La presidenta u il president da la Confederaziun na po betg vegnir elegì sco vicepresidenta u sco vicepresident per l'onn proxim.

¹⁰³ Acceptà en la votaziun dal pievel dals 7 da favr. 1999, entrada en vigur ils 1. da schan. 2000 (COF dals 9 d'oct. 1998, COCF dals 2 da mars 1999 – AS **1999** 1239; BBI **1993** IV 554, **1994** III 1370, **1998** 4800, **1999** 2475 8768).

¹⁰⁴ Acceptà en la votaziun dal pievel dals 7 da favr. 1999, entrada en vigur ils 1. da schan. 2000 (COF dals 9 d'oct. 1998, COCF dals 2 da mars 1999 – AS **1999** 1239; BBI **1993** IV 554, **1994** III 1370, **1998** 4800, **1999** 2475 8768).

Art. 177 Princip collegial e departamental

- ¹ Il Cussegl federal decide sco collegi.
- ² Per la preparaziun e l'execuziun vegnan las fatschentas dal Cussegl federal repartidas sin ils singuls commembers tenor departaments.
- ³ Als departaments u a las unitads administrativas suttamessas ad els vegnan surdadas las fatschentas per in'execuziun autonoma; la protecziun giuridica sto esser garantida.

Art. 178 Administraziun federala

- ¹ Il Cussegl federal dirigia l'administraziun federala. El procura per in'organisaziun cunvegagenta ed in adempliment correct e tenor plan da las incumbensas.
- ² L'administraziun federala è dividida en departaments; mintgin da quels vegn dirigi d'in commember dal Cussegl federal.
- ³ Incumbensas administrativas pon vegnir surdadas tras la lescha ad organisaziuns e persunas da dretg public u da dretg privat che stattan ordaifer l'administraziun federala.

Art. 179 Chanzlia federala

La Chanzlia federala è il post da stab general dal Cussegl federal. Ella vegn dirigida d'ina chanceliera u d'in chancelier.

2. partiziu Cumpetenzas**Art. 180** Politica guvernamentala

- ¹ Il Cussegl federal determinescha las finamiras ed ils meds da sia politica guvernamentala. El planisescha e coordinescha las activitads dal stadi.
- ² El infurmesecha la publicitat a temp e detagliadament davart sia activitat, uschenant ch'i na s'opponan betg interess publics u privats predominants.

Art. 181 Dretg d'iniziativa

Il Cussegl federal suttametta a l'Assamblea federala ils sbozs per ses decrets.

Art. 182 Legislaziun ed execuziun

- ¹ Il Cussegl federal decretescha disposiziuns legalas en furma d'ordinaziuns, sch'el è autorisà da la constituziun u da la lescha.
- ² El procura per l'execuziun da la legislaziun, dals conclus da l'Assamblea federala e da las sentenzias da las autoritads giudizialas da la Confederaziun.

Art. 183 Finanzas

- 1 Il Cussegl federal elavura il plan da finanzas ed il preventiv e prepara il quint dal stadi.
- 2 El procura per in'economia da finanzas correcta.

Art. 184 Relaziuns cun l'exterior

- 1 Il Cussegl federal s'occupa da las fatschentas cun l'exterior, resguardond ils dretgs da cooperaziun da l'Assamblea federala; el represchenta la Svizra vers l'exterior.
- 2 El suttascriva ils contracts e ratifitgescha quels. El suttametta quels a l'Assamblea federala per l'approvaziun.
- 3 Il Cussegl federal po decretar ordinaziuns e disposiziuns, sche quai è necessari per mantegnair ils interess dal pajais. Ordinaziuns èn da limitar temporalmain.

Art. 185 Segirezza externa ed interna

- 1 Il Cussegl federal prenda mesiras per mantegnair la segirezza externa, l'independenza e la neutralitat da la Svizra.
- 2 El prenda mesiras per mantegnair la segirezza interna.
- 3 Sa basond directamain sin quest artitgel, po el decretar ordinaziuns e disposiziuns per cumbatter grevs disturbis, sia succedids u imminents che smanatschan l'urden public u la segirezza interna u externa. Talas ordinaziuns èn da limitar temporalmain.
- 4 En cas urgents po el mobilisar truppas. Sch'el mobilisescha dapli che 4000 members da l'armada per il servetsch activ u sch'ins po presumar che quest engaschament duria dapli che traïs emnas, sto vegnir convocada immediatamain l'Assamblea federala.

Art. 186 Relaziuns tranter la Confederaziun ed ils chantuns

- 1 Il Cussegl federal tgira las relaziuns da la Confederaziun cun ils chantuns e collavura cun quels.
- 2 El approva ils decrets dals chantuns là nua che l'execuziun dal dretg federal pretenda quai.
- 3 El po protestar cunter contracts dals chantuns tranter els u cun l'exterior.
- 4 El surveglia ch'il dretg federal e las constituziuns chantunalas sco er ils contracts dals chantuns vegnian observads e prenda las mesiras necessarias.

Art. 187 Ulteriuras incumbensas e cumpetenzas

- 1 Il Cussegl federal ha ultra da quai las suandardas incumbensas e cumpetenzas:
 - a. El surveglia l'administraziun federala ed instituziuns incumbensadas da la Confederaziun.

- b. El rapporta regularmain a l'Assamblea federala davart sia gestiun e davart il stadi da la Svizra.
- c. El fa las elecziuns che na cumpetan betg ad in'autra autoritat.
- d. El tracta recurs, sche la lescha prevesa quai.

² La lescha po surdar al Cussegl federal ulteriuras incumbensas e cumpetenzas.

4. chapitel¹⁰⁵ Tribunal federal ed otras autoritads giudizialas

Art. 188 Status dal Tribunal federal

¹ Il Tribunal federal è l'autoritat giudiziala suprema da la Confederaziun.

² La lescha regla l'organisaziun e la procedura.

³ Il tribunal è autonom.

Art. 189 Cumpetenzas dal Tribunal federal

¹ Il Tribunal federal giuditgescha dispitas pervia da violaziun:

- a. dal dretg federal;
- b. dal dretg internaziunal;
- c. dal dretg interchантunal;
- d. da dretgs chantunals constituziunals;
- e. da l'autonomia communal e d'autras garanzias dals chantuns en favur da corporaziuns da dretg public;
- f. da disposiziuns federalas e chantunals davart il dretgs politics.

^{1bis} ...¹⁰⁶

² El giuditgescha dispitas tranter la Confederaziun ed ils chantuns u tranter chantuns.

³ La lescha po motivar ulteriuras cumpetenzas dal Tribunal federal.

⁴ Acts da l'Assamblea federala e dal Cussegl federal na pon betg vegnir contestads tar il Tribunal federal. La lescha fixescha las excepziuns.

¹⁰⁵ Acceptà en la votaziun dal pievel dals 12 da mars 2000, entrada en vigur ils 1. da schan. 2007 (COF dals 8 d'oct. 1999, COCF dals 17 da magt 2000, COF dals 8 da mars 2005 – AS 2002 3148, 2006 1059; BBI 1997 I 1, 1999 8633, 2000 2990, 2001 4202).

¹⁰⁶ Acceptà en la votaziun dal pievel dals 9 da favr. 2003 (COF dals 4 d'oct. 2002, COCF dals 25 da mars 2003 – AS 2003 1949; BBI 2001 4803 6080, 2002 6485, 2003 3111). Aboli en la votaziun dal pievel dals 27 da sett. 2009, cun effect dapi ils 27 da sett. 2009 (COF dals 19 da dec. 2008, COCF dal 1. da dec. 2009 – AS 2009 6409; BBI 2008 2891 2907, 2009 13 8719). Quest al. n'è mai entrà en vigur en la versiun dal COF dals 4 d'oct. 2002.

Art. 190 Dretg decisiv

Leschas federalas ed il dretg internaziunal èn decisivs per il Tribunal federal e per las outras autoritads incaricadas d'applitgar il dretg.

Art. 191 Access al Tribunal federal

- 1 La lescha garantescha l'access al Tribunal federal.
- 2 Per disputas che na pertutgan betg ina dumonda da dretg d'impurtanza fundamenteala po ella prevair in limit da la valur en lita.
- 3 Per tscherts champs spezials po la lescha excluder l'access al Tribunal federal.
- 4 Per recurs evidentamain nunfundads po la lescha prevair ina procedura simplifigada.

Art. 191a¹⁰⁷ Ulteriuras autoritads giudizialas da la Confederaziun

- 1 La Confederaziun instituescha in tribunal penal; quest giuditgescha en emprima instanza cas penals che la lescha attribuescha a la giurisdicziun da la Confederaziun. La lescha po motivar ulteriuras cumpetenzas dal Tribunal penal federal.
- 2 La Confederaziun instituescha autoritads giudizialas per giuditgar disputas dal dretg public or da la sfera da cumpetenza da l'administraziun federala.
- 3 La lescha po prevair ulteriuras autoritads giudizialas da la Confederaziun.

Art. 191b Autoritads giudizialas dals chantuns

- 1 Ils chantuns institueschan autoritads giudizialas per giuditgar disputas dal dretg civil e dal dretg public sco er da cas penals.
- 2 Els pon instituir autoritads giudizialas communablas.

Art. 191c Independenza giudiziala

Las autoritads giudizialas èn independentas en lur activitat da giurisdicziun ed obligadas sulettamain al dretg.

6. titel**Revisiun da la Constituziun federala e da las disposiziuns transitoricas****1. chapitel Revisiun****Art. 192** Princip

- 1 La Constituziun federala po vegnir revedida da tut temp entiramain u parzialmain.

¹⁰⁷ Acceptà en la votaziun dal pievel dals 12 da mars 2000, entrada en vigor da l'al. 1 ils 1. d'avr. 2003, entrada en vigor dals al. 2 e 3 ils 1. da sett. 2005 (COF dals 8 d'oct. 1999, COCF dals 17 da matg 2000, COF dals 24 da sett. 2002 e dals 2 da mars 2005 – AS 2002 3148, 2005 1475; BBI 1997 I 1, 1999 8633, 2000 2990, 2001 4202, 2004 4787).

² Là nua che la Constituziun federala e la legislaziun che sa basa sin ella na fixeschian betg insatge auter, succeda la revisiun sin via legislativa.

Art. 193 Revisiun totala

¹ La revisiun totala da la Constituziun federala po vegnir proponida dal pievel u dad in dals dus cussegls u po vegnir concludida da l'Assamblea federala.

² Sche l'iniziativa vegn dal pievel u sch'ils dus cussegls na van betg d'accord, decida il pievel, sch'i saja da realisar ina revisiun totala.

³ Sch'il pievel accepta ina revisiun totala, veggan domadus cussegls elegids da nov.

⁴ Las disposiziuns obligantas dal dretg internaziunal na dastgan betg vegnir violadas.

Art. 194 Revisiun parziale

¹ Ina revisiun parziale da la Constituziun federala po vegnir pretendida dal pievel u vegnir concludida da l'Assamblea federala.

² Ina revisiun parziale da la Constituziun federala sto mantegnair l'unitad da la materia e na dastga betg violar disposiziuns obligantas dal dretg internaziunal.

³ Ina iniziativa dal pievel per ina revisiun parziale da la Constituziun federala sto ultra da quai mantegnair l'unitad da la furma.

Art. 195 Entrada en vigur

La Constituziun federala revedida entiramain u parzialmain va en vigur suenter ch'ella è vegnida acceptada dal pievel e dals chantuns.

2. chapitel Disposiziuns transitoricas

Art. 196 Disposiziuns transitoricas da la Constituziun federala dals 18 da december 1998 davart ina nova Constituziun federala¹⁰⁸

1. Disposiziun transitorica tar l'art. 84 (Transit da las Alps)

Il transferiment dal transport da rauba da transit sin la viafier sto esser terminà 10 onns suenter l'acceptaziun da l'iniziativa dal pievel per proteger il territori da las Alps dal traffic da transit.

2. Disposiziun transitorica tar l'art. 85 (Pauschala sin il traffic da camiuns pesants)

¹ La Confederaziun incassescha ina taxa annuala sin ils vehichels a motor svizzers ed esters e sin ils chars annexs cun ina païsa totala da mintgamai pli che 3,5 tonnas per duvrar las vias ch'èn avertas per il traffic general.

¹⁰⁸ Acceptà en la votaziun dal pievel dals 3 da mars 2002, entrada en vigur ils 3 da mars 2002 (COF dals 5 d'oct. 2001, COCF dals 26 d'avr. 2002 – AS **2002** 885; BBI **2000** 2453, **2001** 1183 5731, **2002** 3690).

² Questa taxa importa:

Fr.

a.	per camiuns e camiuns-tracturs	
–	da pli che 3,5 fin 12 tonnas	650
–	da pli che 12 fin 18 tonnas	2000
–	da pli che 18 fin 26 tonnas	3000
–	da pli che 26 tonnas	4000
b.	per chars annexs	
–	da pli che 3,5 fin 8 tonnas	650
–	da pli che 8 fin 10 tonnas	1500
–	da pli che 10 tonnas	2000
c.	per autocars	650

³ Las tariffas da la taxa pon vegnir adattadas cun ina lescha federala, sch'ils custs dal traffic sin las vias giustifitgeschan quai.

⁴ Ultra da quai po il Cussegl federal adattar cun in'ordinaziun las categorias da tariffas a partir da 12 tonnas tenor l'alinea 2 a midadas eventualas da las categorias da paisa en la Lescha federala dals 19 da december 1958¹⁰⁹ davart il traffic sin via.

⁵ Il Cussegl federal fixescha tariffas graduadas correspondentamain per vehichels che n'en betg en circulaziun en Svizra durant l'entir onn; el resguarda las expensas per l'incassament.

⁶ Il Cussegl federal regla l'execuziun. El po fixar tariffas per categorias particularas da vehichels tenor il senn da l'alinea 2, liberar tscherts vehichels da la taxa e prender mesiras particularas, spezialmain per viadis en il circuit dals cunfins. Vehichels immatriculads a l'exterior na dastgan tras quai betg esser privilegiads envers vehichels svizzers. Il Cussegl federal po prevair multas per violaziuns dal dretg. Ils chantuns incasseschan la taxa per ils vehichels immatriculads en Svizra.

⁷ Da questa taxa po vegnir desistì entiramain u parzialmain cun disposiziuns legalas.

⁸ Questa disposiziun vala fin a l'entrada en vigur da la Lescha dals 19 da december 1997¹¹⁰ davart il traffic cun camiuns pesants.

3. Disposiziuns transitoricas tar l'art. 86 (Impundaziun da taxas per incumbensas ed expensas en connex cun il traffic sin via), tar l'art. 87 (Viafiers ed ulteriurs meds da traffic) e tar l'art. 87a (Infrastructura da viafier)¹¹¹

¹ Ils gronds projects da viafier cumpigliant la nova viafier transversala da las Alps (NVTB), la VIAFIER 2000, la colliaziun da la Svizra da l'ost e dal vest a la rait da viafier europeica d'auta prestaziun sco er la meglieraziun da las mesiras da protecziun cunter la canera lung ils trajects da viafier cun mesiras activas e passivas.

¹⁰⁹ SR **741.01**

¹¹⁰ SR **641.81**

¹¹¹ Accepità en la votaziun dal pievel dals 12 da favr. 2017, entrada en vigur ils 1. da schan. 2018 (COF dals 30 da sett. 2016, COCF dals 10 da nov. 2016 – AS **2017** 6731; BBI **2015** 2065, **2016** 7587, **2017** 3387).

² Fin che la tschainsida e la restituziun dal pajament anticipà dal fond tenor l'artitgel 87a alinea 2 n'è betg terminada, vegnan ils medis finanzials tenor l'artitgel 86 alinea 2 litera e assegnads a la finanziaziun speziala dal traffic sin via tenor l'artitgel 86 alinea 4 empè al fond tenor l'artitgel 86 alinea 2.¹¹²

^{2bis} Il Cussegħi federal po utilissar ils medis finanzials tenor l'alinea 2 fin ils 31 da decembre 2018 per finanziar l'infrastructura da viafier e suenter per tschairsir e per restituir il pajament anticipà dal fond tenor l'artitgel 87a alinea 2. Ils medis finanzials vegnan calculads tenor l'artitgel 86 alinea 2 litera e.¹¹³

^{2ter} La procentuala tenor l'artitgel 86 alinea 2 litera f vala suenter 2 onns dapi l'entraida en vigur da questa disposiziun. Avant importa ella 5 pertschient.¹¹⁴

³ Ils gronds projects da viafier tenor l'alinea 1 vegnan finanziads sur il fond tenor l'artitgel 87a alinea 2.¹¹⁵

⁴ Ils quatter gronds projects da viafier tenor l'alinea 1 vegnan decretads en furma da leschas federalas. Per mintga grond project cumplessiv èn da cumprovar il basegn e la realisabilitad. Tar il project da la NVTA furman las singulas fasas da construcziun ina part da la lescha federala. L'Assamblea federala conceda ils medis finanzials necessarisi cun credits d'impegn. Il Cussegħi federal approva las etappas da construcziun e fixescha il plan da termins.

⁵ Questa disposiziun vala fin al mument da la terminaziun da las lavurs da construcziun e da la finanziaziun (restituziun dals pajaments anticipads) dals gronds projects da viafier menziunads en l'alinea 1.

4. Disposiziun transitorica tar l'art. 90 (Energia nucleara)

Fin ils 23 da settember 2000 na veggħi betg dà permissiuns generalas, da construcziun, da metter en funcziun u da manaschi per novs implants per producir energia nucleara.

5. Disposiziun transitorica tar l'art. 95 (Actividad da gudogn en l'economia privata)

Fin al decret d'ina legislaziun federala èn ils chantuns obligads da renconuscher vicendaivlamain ils attestats finals da scolaziun.

¹¹² Acceptà en la votaziun dal pievel dals 12 da favr. 2017, entrada en vigur ils 1. da schan. 2018 (COF dals 30 da sett. 2016, COCF dals 10 da nov. 2016 – AS **2017** 6731; BBI **2015** 2065, **2016** 7587, **2017** 3387).

¹¹³ Acceptà en la votaziun dal pievel dals 12 da favr. 2017, entrada en vigur ils 1. da schan. 2018 (COF dals 30 da sett. 2016, COCF dals 10 da nov. 2016 – AS **2017** 6731; BBI **2015** 2065, **2016** 7587, **2017** 3387).

¹¹⁴ Acceptà en la votaziun dal pievel dals 12 da favr. 2017, entrada en vigur ils 1. da schan. 2018 (COF dals 30 da sett. 2016, COCF dals 10 da nov. 2016 – AS **2017** 6731; BBI **2015** 2065, **2016** 7587, **2017** 3387).

¹¹⁵ Acceptà en la votaziun dal pievel dals 9 da favr. 2014, entrada en vigur ils 1. da schan. 2016 (COF dals 20 da zer. 2013, COCF dals 13 da matg 2014, COCF dals 2 da zer. 2014, COCF dals 6 da zer. 2014 – AS **2015** 645; BBI **2010** 6637, **2012** 1577, **2013** 4725 6518, **2014** 4113 4117).

6. Disposiziun transitorica tar l'art. 102 (Provediment dal pajais)

¹ La Confederaziun garantescha il provediment dal pajais cun granezza da paun e farina per far paun.

² Questa disposiziun transitorica resta en vigur fin il pli tard ils 31 da decembre 2003.

7. Disposiziun transitorica tar l'art. 103 (Politica da structura)

Ils chantuns pon mantegnair durant maximalmain 10 onns a partir da l'entrada en vigur da la constituziun las reglementaziuns existentes che fan dependenta l'avertura da manaschis dal basegn per garantir l'esistenza da parts considerablas d'in tschert rom da hotellaria.

^{8.}¹¹⁶ ...

9. Disposiziun transitorica tar l'art. 110 al. 3 (Di da la festa naziunala)

¹ Il Cussegl federal regla ils detaglis fin che la legislaziun federala midada va en vigur.

² Il di da la festa naziunala na vegn betg quintà tar il dumber dals firads tenor l'artitgel 18 alinea 2 da la Lescha da lavur dals 13 da mars 1964¹¹⁷.

^{10.}¹¹⁸ ...

11. Disposiziun transitorica tar l'art. 113 (Prevenziun professiunala)

Assicurads ch'appartegnan a la generaziun d'entrada e na disponan per quest motiv betg dal temp da contribuziun cumplain, duain obtegnair la protecziun minimala prescritta da la lescha e quai mintgamai tenor l'autezza da lur entrada da gudogn entaifer 10 fin 20 onns suenter l'entrada en vigur da la lescha.

^{12.}¹¹⁹ ...

13.¹²⁰ Disposiziun transitorica tar l'art. 128 (Durada da l'imposiziun da taglia)

Il dretg d'incassar la taglia federala directa è limità fin la fin da l'onn 2020.

¹¹⁶ Dapi ils 11 da mars 2012 ha l'art. 106 ina nova versiun.

¹¹⁷ SR **822.11**

¹¹⁸ Aboli en la votaziun dal pievel dals 28 da nov. 2004, cun effect dapi ils 1. da schan. 2008 (COF dals 3 d'oct. 2003, COCF dals 26 da schan. 2005, COCF dals 7 da nov. 2007 – AS **2007** 5765; BBI **2002** 2291, **2003** 6591, **2005** 951).

¹¹⁹ Dapi ils 2 da dec. 2001 ha l'art. 126 ina nova versiun.

¹²⁰ Acceptà en la votaziun dal pievel dals 28 da nov. 2004, entrada en vigur ils 1. da schan. 2007 (COF dals 19 da mars 2004, COCF dals 26 da schan. 2005, COCF dals 2 da favr. 2006 – AS **2006** 1057; BBI **2003** 1531, **2004** 1363, **2005** 951).

14.¹²¹ Disposiziun transitorica tar l'art. 130 (Taglia sin la plivalur)¹²²

¹ Il dretg d'incassar la taglia sin la plivalur è limità fin la fin da l'onn 2020.

² Per garantir la finanziaziun da l'assicuranza d'invaliditat auza il Cussegl federal las tariffas da la taglia sin la plivalur dal 1. da schaner 2011 fin ils 31 da decembre 2017 sco suonda: ...

³ Il retgav che resulta da l'augment tenor l'alinea 2 vegn attribuì cumplainamain al fond da cumpensaziun da l'assicuranza d'invaliditat.¹²³

⁴ Per garantir la finanziaziun da l'infrastructura da viafier auza il Cussegl federal las tariffas da taglia tenor l'artitgel 25 da la Lescha federala dals 12 da zercladur 2009¹²⁴ davart la taglia sin la plivalur a partir dal 1. da schaner 2018 per 0,1 puncts procentials, sch'il termin tenor l'alinea 1 vegn prolungà fin maximalmain ils 31 da decembre 2030.¹²⁵

⁵ Il retgav che resulta da l'augment tenor l'alinea 4 vegn attribuì cumplainamain al fond tenor l'artitgel 87a.¹²⁶

15. Disposiziuns transitoricas tar l'art. 131 (Taglia sin la biera)

La taglia sin la biera vegn incassada tenor il dretg d'enfin uss fin che vegn decretada ina lescha federala¹²⁷.

16.¹²⁸ ...

¹²¹ Acceptà en la votaziun dal pievel dals 28 da nov. 2004, entrada en vigur ils 1. da schan. 2007 (COF dals 19 da mars 2004, COCF dals 26 da schan. 2005, COCF dals 2 da favr. 2006 – AS **2006** 1057; BBI **2003** 1531, **2004** 1363, **2005** 951).

¹²² Acceptà en la votaziun dal pievel dals 27 da sett. 2009, entrada en vigur ils 1. da schan. 2011 (COF dals 13 da zer. 2008 e dals 12 da zer. 2009, COCF dals 7 da sett. 2010 – AS **2010** 3821; BBI **2005** 4623, **2008** 5241, **2009** 4371 4377 4379 8719).

¹²³ Acceptà en la votaziun dal pievel dals 27 da sett. 2009, entrada en vigur ils 1. da schan. 2011 (COF dals 13 da zer. 2008 e dals 12 da zer. 2009, COCF dals 7 da sett. 2010 – AS **2010** 3821; BBI **2005** 4623, **2008** 5241, **2009** 4371 4377 4379 8719).

¹²⁴ SR **641.20**

¹²⁵ Acceptà en la votaziun dal pievel dals 9 da favr. 2014, entrada en vigur ils 1. da schan. 2016 (COF dals 20 da zer. 2013, COCF dals 13 da matg 2014, COCF dals 2 da zer. 2014, COCF dals 6 da zer. 2014 – AS **2015** 645; BBI **2010** 6637, **2012** 1577, **2013** 4725 6518, **2014** 4113 4117).

¹²⁶ Acceptà en la votaziun dal pievel dals 9 da favr. 2014, entrada en vigur ils 1. da schan. 2016 (COF dals 20 da zer. 2013, COCF dals 13 da matg 2014, COCF dals 2 da zer. 2014, COCF dals 6 da zer. 2014 – AS **2015** 645; BBI **2010** 6637, **2012** 1577, **2013** 4725 6518, **2014** 4113 4117).

¹²⁷ SR **641.411**. La Lescha federala dals 6 d'oct. 2006 davart la taglia sin la biera è entrada en vigur il 1. da fan. 2007.

¹²⁸ Aboli en la votaziun dal pievel dals 28 da nov. 2004, cun effect dapi ils 1. da schan. 2008 (COF dals 3 d'oct. 2003, COCF dals 26 da schan. 2005, COCF dals 7 da nov. 2007 – AS **2007** 5765; BBI **2002** 2291, **2003** 6591, **2005** 951).

Art. 197¹²⁹ Disposiziuns transitoricas suenter l'acceptaziun da la Constituziun federala dals 18 d'avrigl 1999

1. Adesiun da la Svizra a l'ONU

¹ La Svizra aderescha a l'Organisaziun da las Naziuns Unidas.

² Il Cussegli federal vegn autorisà da drizzar al secretari general da l'Organisaziun da las Naziuns Unidas (ONU) ina dumonda da la Svizra da vegrir recepida en questa organisaziun ed in'explicaziun davart l'adempilment da las obligaziuns cuntegnidas en la Charta da las Naziuns Unidas¹³⁰.

2.¹³¹ Disposiziun transitorica tar l'art. 62 (Fatgs da scola)

A partir da l'entrada en vigur dal conclus federal dals 3 d'october 2003¹³² davart la refurma da la gulivaziun da finanzas e da la repartiziun da las incumbensas tranter la Confederaziun ed ils chantuns surpiglian ils chantuns las prestaziuns da fin uss da l'assicuranza d'invalids vi da la scolazium speziala (inclusiv l'educaziun prescolara pedagogic-curativa tenor l'artigel 19 da la Lescha federala dals 19 da zercladur 1959¹³³ davart l'assicuranza d'invalids), fin ch'els disponan da concepts da scolazium speziala ch'en approvads dal chantun, almain dentant durant traís onns.

3.¹³⁴ Disposiziun transitorica tar l'art. 83 (Vias naziunalas)

Ils chantuns construeschan las vias naziunalas ch'en enumeradas en il conclus federal dals 21 da zercladur 1960¹³⁵ davart la rait da las vias naziunalas (stadi tar l'entrada en vigur dal conclus federal dals 3 d'october 2003¹³⁶ davart la refurma da la gulivaziun da finanzas e da la repartiziun da las incumbensas tranter la Confederaziun ed ils chantuns) tenor las prescripziuns e sut la surveglianza suprema da la Confederaziun. La Confederaziun ed ils chantuns portan communablaman ils custs. La part dals custs dals singuls chantuns sa drizza tenor la grevezza che las vias naziunalas muntan per els, tenor lur interess per talas vias e tenor lur capacitat finanziala.

¹²⁹ Acceptà en la votaziun dal pievel dals 3 da mars 2002, entrada en vigur ils 3 da mars 2002 (COF dals 5 d'oct. 2001, COCF dals 26 d'avr. 2002 – AS **2002** 885; BBI **2000** 2453, **2001** 1183 5731, **2002** 3690).

¹³⁰ SR **0.120**

¹³¹ Acceptà en la votaziun dal pievel dals 28 da nov. 2004, entrada en vigur ils 1. da schan. 2008 (COF dals 3 d'oct. 2003, COCF dals 26 da schan. 2005, COCF dals 7 da nov. 2007 – AS **2007** 5765; BBI **2002** 2291, **2003** 6591, **2005** 951).

¹³² AS **2007** 5765

¹³³ SR **831.20**

¹³⁴ L'art. 83 ha ussa ina nova versiun. Acceptà en la votaziun dal pievel dals 28 da nov. 2004, entrada en vigur ils 1. da schan. 2008 (COF dals 3 d'oct. 2003, COCF dals 26 da schan. 2005, COCF dals 7 da nov. 2007 – AS **2007** 5765; BBI **2002** 2291, **2003** 6591, **2005** 951).

¹³⁵ SR **725.113.11**

¹³⁶ AS **2007** 5765

4.¹³⁷ Disposiziun transitorica tar l'art. 112b (Promozion da l'integrazion d'invalids)

A partir da l'entrada en vigur dal conclus federal dals 3 d'october 2003¹³⁸ davart la reforma da la gulinaziun da finanzas e da la repartizion da las incumbensas tranter la Confederazion ed ils chantuns surpigliant ils chantuns las prestaziuns da fin uss da l'assicuranza d'invalids vi da stabiliments, chasas da dimora e lavoratoris, fin ch'els disponan da concepts approuvads dal chantun en favur dals invalids, che reglan la concessiun da contribuziuns vi da la construczion e vi da la gestiun d'instituziuns che dattan accoglientscha a personas extrachantunala, almain dentant durant traiss onns.

5.¹³⁹ Disposiziuns transitoricas tar l'art. 112c (Agid als attempads ed als impedids)

Las prestaziuns da fin uss tenor l'artitgel 101^{bis} da la Lescha federala dals 20 da decembre 1946¹⁴⁰ davart l'assicuranza per vegls e survivents per l'agid e per la tgira dals attempads e dals impedids a chasa vegnan pajadas vinavant dals chantuns fin a l'entrada en vigur d'ina regulaziun chantunala da finanziaziun per l'agid e per la tgira a chasa.

7.¹⁴¹ Disposiziun transitorica tar l'art. 120 (Tecnologia da gens en il sectur betg uman)

L'agricultura svizra n'utilisescha nagins organisessems modifitgads geneticamain duant tschintg onns suenter che questa disposiziun constituziunala è vegnida accep-tada. En spezial na dastgan ni vegnir importads ni vegnir mess en circulaziun:

- a. plantas, parts da plantas e semenza modifitgadas geneticamain ch'en ablas da sa multipligtgar e ch'en destinadas per vegnir utilisadas or en il liber tar l'agricultura, tar l'orticatura u tar la selvicultura;
- b. animals modifitgads geneticamain ch'en destinads per la producziun da vuctualias e d'auters products agriculs.

8.¹⁴² Disposiziun transitorica tar l'art. 121 (Dimora e domicil da personas estras)

Il legislatur sto definir ed agiuntar ils causals tenor artitgel 121 alinea 3 e decretar las prescripziuns penales davart l'entrada illegala tenor artitgel 121 alinea 6 entaifer maximalmain 5 onns dapi l'acceptanza da l'artitgel 121 alineas 3–6 tras il pievel ed ils chantuns.

¹³⁷ Acceptà en la votaziun dal pievel dals 28 da nov. 2004, entrada en vigur ils 1. da schan. 2008 (COF dals 3 d'oct. 2003, COCF dals 26 da schan. 2005, COCF dals 7 da nov. 2007 – AS **2007** 5765; BBI **2002** 2291, **2003** 6591, **2005** 951).

¹³⁸ AS **2007** 5765

¹³⁹ Acceptà en la votaziun dal pievel dals 28 da nov. 2004, entrada en vigur ils 1. da schan. 2008 (COF dals 3 d'oct. 2003, COCF dals 26 da schan. 2005, COCF dals 7 da nov. 2007 – AS **2007** 5765; BBI **2002** 2291, **2003** 6591, **2005** 951).

¹⁴⁰ SR **831.10**

¹⁴¹ Acceptà en la votaziun dal pievel dals 27 da nov. 2005, entrada en vigur ils 27 da nov. 2005 (COF dals 17 da zer. 2005, COCF dals 19 da schan. 2006 – AS **2006** 89; BBI **2003** 6903, **2004** 4937, **2005** 4039, **2006** 1061).

¹⁴² Acceptà en la votaziun dal pievel dals 28 da nov. 2010, entrada en vigur ils 28 da nov. 2010 (COF dals 18 da zer. 2010, COCF dals 17 da mars 2011 – AS **2011** 1199; BBI **2008** 1927, **2009** 5097, **2010** 4241, **2011** 2771).

9.¹⁴³ Disposiziun transitorica tar l'art. 75b (Abitaziuns secundaras)

¹ Sche la legislazium correspondenta n'entra betg en vigur entaifer dus onns suenter che l'artitgel 75b è vegnì acceptà, decretescha il Cussegl federal in'ordinaziun cun las disposiziuns executivas necessarias davart la construcziun, davart la vendita e davart l'inscripziun en il register funsile.

² Permissiuns da construcziun per abitaziuns secundaras, che vegnan concedidas tranter il 1. da schaner da l'onn che suonda l'acceptaziun da l'artitgel 75b e la data che las disposiziuns executivas entran en vigur, èn nunvalaivlas.

10.¹⁴⁴ Disposiziun transitorica tar l'art. 95 al. 3

Fin che las disposiziuns legalas entran en vigur, decretescha il Cussegl federal las disposiziuns executivas necessarias entaifer in onn suenter che l'alinea 3 da l'artitgel 95 è vegnì acceptà dal pievel e dals chantuns.

11.¹⁴⁵ Disposiziun transitorica tar l'art. 121a (Regulaziun da l'immigraziun)

¹ Contracts internaziunals che s'opponan a l'artitgel 121a ston vegnir tractads da nov ed adattads entaifer 3 onns suenter ch'el è vegnì acceptà tras il pievel ed ils chantuns.

² Sche la legislazium executiva n'è betg anc entrada en vigur 3 onns suenter che l'artitgel 121a è vegnì acceptà tras il pievel ed ils chantuns, decretescha il Cussegl federal per quest termin a maun d'ina ordinaziun las disposiziuns executivas transitoricas.

Data da l'entrada en vigur: 1. da schaner 2000¹⁴⁶

¹⁴³ Acceptà en la votaziun dal pievel dals 11 da mars 2012, entrada en vigur ils 11 da mars 2012 (COF dals 17 da zer. 2011, COCF dals 20 da zer. 2012 – AS **2012** 3627; BBI **2008** 1113 8757, **2011** 4825, **2012** 6623).

¹⁴⁴ Acceptà en la votaziun dal pievel dals 3 da mars 2013, entrada en vigur ils 3 da mars 2013 (COF dals 15 da nov. 2012 e dals 30 d'avr. 2013 – AS **2013** 1303; BBI **2006** 8755, **2008** 2577, **2009** 299, **2012** 9219, **2013** 3129).

¹⁴⁵ Acceptà en la votaziun dal pievel dals 9 da favr. 2014, entrada en vigur ils 9 da favr. 2014 (COF dals 27 da sett. 2013, COCF dals 13 matg 2014 – AS **2014** 1391; BBI **2011** 6269, **2012** 3869, **2013** 291 7351, **2014** 4117).

¹⁴⁶ COF dals 28 da sett. 1999 (AS **1999** 2555; BBI **1999** 7922).

Disposiziuns finalas dal Conclus federal dals 18 da decembre 1998 davart ina nova Constituziun federala

II

¹ La Constituziun federala da la Confederaziun svizra dals 29 da matg 1874¹⁴⁷ vegn abrogada.

² Las sequentas disposiziuns da la Constituziun federala ch'èn da transferir en il dretg legal valan vinavant fin al mument che las disposiziuns legalas correspunden-
tas entran en vigur:

a. Art. 32^{quater} al. 6¹⁴⁸

Il commerzi ambulant cun bavrondas alcoholicas sco er la vendita ambulanta da talas èn scumandads.

b. Art. 36^{quinquies} al. I emprima construcziun, 2 seconda–davosa construcziun e 4 segunda construcziun¹⁴⁹

¹ La Confederaziun incassa sin vehichels e chars annexs svizzers cun ina paisa totala fin a mintgamai 3,5 tonnas ina taxa annuala da 40 francs per il diever da las vias naziunalas d'emprima e segunda classa. ...

² ... Il Cussegl federal po liberar tscherts vehichels da la taxa e prender regla-
mentaziuns spezialas, oravant tut per viadis en ils territoris da cunfins. Tras quai na
dastgan ils vehichels immatriculads a l'ester betg vegin privilegiads envers ils
vehichels svizzers. Il Cussegl federal po prevair multas per ils surpassaments. Ils
chantuns incassan la taxa per ils vehichels immatriculads en Svizra e surveglian
l'observaziun da las prescripcziuns tar tut ils vehichels.

⁴ ... La lescha po extender la taxa sin ulteriuras categorias da vehichels che na
suttastattan betg a la taxa per il traffic da camiuns pesants.

¹⁴⁷ [BS 1 3; AS 1949 1511, 1951 606, 1957 1027, 1958 362 768 770, 1959 224 912,
1961 476, 1962 749 1637 1804, 1964 97, 1966 1672, 1969 1249, 1970 1649, 1971 325
905 907, 1972 1481 1484, 1973 429 1051 1455, 1974 721, 1975 1205, 1976 713 715
2003, 1977 807 1849 2228 2230, 1978 212 484 1578, 1979 678, 1980 380, 1981 1243
1244, 1982 138, 1983 240 444, 1984 290, 1985 150, 151 658 659 1025 1026 1648,
1987 282 1125, 1988 352, 1991 246 247 1122, 1992 1578 1579, 1993 3040 3041,
1994 258 263 265 267 1096 1097 1099 1101, 1995 1455, 1996 1490 1491 1492 2502,
1998 918 2031, 1999 741 743 1239 1341]

¹⁴⁸ Art. 105

¹⁴⁹ Art. 86 al. 2

c. Art. 121^{bis} al. 1, 2 ed al. 3 emprima e seconda construcziun¹⁵⁰

¹ Decida l'Assamblea federala ina cuntraproposta, vegnan preschentads als votants sin il medem cedel da votar traïs dumondas. Mintga votant po declarar senza restricziun:

1. sch'el preferescha l'iniziativa dal pievel al dretg en vigur;
2. sch'el preferescha la cuntraproposta al dretg en vigur;
3. tgenin dals dus projects che duai entrar en vigur, sche pievel e chantuns duessan dar la preferenza a domadus projects avant il dretg en vigur.

² La maioritat absoluta vegn eruida separadament per mintga dumonda. Dumondas senza resposta na vegnan betg consideradas.

³ Sche tant l'iniziativa sco er la cuntraproposta vegnan acceptadas, decida il resultat da la dumonda decisiva. I entra en vigur il project che cuntanscha dapli vuschs dal pievel e dals chantuns tar questa dumonda. ...

III

Midadas da la Constituziun federala dals 29 da matg 1874 vegnan adattadas formalmente a la nova Constituziun federala tras l'Assamblea federala. La decisiun correspondenta na suttastat betg al referendum.

IV

¹ Quest conclus vegn suttamess a la votaziun dal pievel e dals chantuns.

² L'Assamblea federala determinescha l'entrada en vigur.

¹⁵⁰ Guardar ussa: art. 139b.

Cuntegn

.....Preambel

1. titel: Disposiziuns generalas

Confederaziun svizra	Art. 1
Intent	Art. 2
Chantuns	Art. 3
Linguas naziunalas.....	Art. 4
Princips da l'activitat dal stadi da dretg.....	Art. 5
Subsidiaritad	Art. 5a
Responsabladaid individuala e sociala	Art. 6

2. titel: Dretgs fundamentals, dretgs dals burgais e finamiras socialas**1. chapitel: Dretgs fundamentals**

Dignitat umana.....	Art. 7
Egalidad giuridica.....	Art. 8
Protecziun cunter arbitrarriad e mantegniment da la buna fai	Art. 9
Dretg da la vita e da la libertad.....	Art. 10
Protecziun dals uffants e giuenivils	Art. 11
Dretg d'agid en situaziuns da basegn	Art. 12
Protecziun da la sfera privata.....	Art. 13
Dretg da matrimoni e famiglia.....	Art. 14
Libertad da cretta e conscientia.....	Art. 15
Libertad d'opiniun e d'infurmaziun.....	Art. 16
Libertad da las medias	Art. 17
Libertad da lingua	Art. 18
Dretg d'instrucziun da scola fundamentala	Art. 19
Libertad da la scienza	Art. 20
Libertad da l'art	Art. 21
Libertad da reunion.....	Art. 22
Libertad d'associazion	Art. 23
Libertad da domicil.....	Art. 24
Protecziun cunter l'expulsiun, l'extradiziun ed il repatriament	Art. 25
Garanzia da la proprietad	Art. 26
Libertad economica	Art. 27
Libertad sindicala.....	Art. 28

Garanzias generalas da procedura	Art. 29
Garanzia da la via giudiziala	Art. 29a
Proceduras giudizialas	Art. 30
Privaziun da la libertad	Art. 31
Procedura penal	Art. 32
Dretg da petiziun	Art. 33
Dretgs politics	Art. 34
Effect dals dretgs fundamentals	Art. 35
Restricziuns dals dretgs fundamentals	Art. 36
2. chapitel: Dretg da burgais e dretgs politics	
Dretgs da burgais	Art. 37
Acquist e perdita dals dretgs da burgais	Art. 38
Diever dals dretgs politics	Art. 39
Svizras e Svizzers a l'exterior	Art. 40
3. chapitel: Finamiras socialas	
.....	Art. 41
3. titel: Confederaziun, chantuns e vischnancas	
1. chapitel: Relaziun tranter la Confederaziun ed ils chantuns	
1. partiziu: Incumbensas da la Confederaziun e dals chantuns	
Incumbensas da la Confederaziun	Art. 42
Incumbensas dals chantuns	Art. 43
Princips per attribuir ed ademplir incumbensas dal stadi	Art. 43a
2. partiziu: Collavuraziun da la Confederaziun e dals chantuns	
Princips	Art. 44
Cooperaziun al process da furmazion da la voluntad da la Confederaziun	Art. 45
Realisaziun dal dretg federal	Art. 46
Autonomia dals chantuns	Art. 47
Contracts interchantunals	Art. 48
Decleraziun cun vigur lianta ed obligaziun da participaziun	Art. 48a
Precedenza ed observaziun dal dretg federal	Art. 49

3. partizun: Vischnancas

..... Art. 50

4. partizun: Garanzias federalas

Constituziuns chantunalas	Art. 51
Urden constituziunal.....	Art. 52
Existenza e territori dals chantuns	Art. 53

2. chapitel: Cumpetenzas**1. partizun: Relaziuns cun l'exteriu**

Affars exterius	Art. 54
Cooperaziun dals chantuns a decisiuns da la politica exteriera	Art. 55
Relaziuns dals chantuns cun l'exteriu	Art. 56

**2. partizun: Segirezza, defensiun naziunala, protecziun
civila**

Segirezza.....	Art. 57
Armada	Art. 58
Servetsch militar e servetsch da cumpensaziun.....	Art. 59
Organisaziun, instrucziun ed equipament da l'armada.....	Art. 60
Protecziun civila	Art. 61

3. partizun: Scolaziun, perscrutaziun e cultura

Spazi da furmaziun svizzer	Art. 61a
Fatgs da scola.....	Art. 62
Furmaziun professiunala.....	Art. 63
Scolas autas.....	Art. 63a
Perscrutaziun.....	Art. 64
Furmaziun supplementara.....	Art. 64a
Statistica.....	Art. 65
Contribuijuns da furmaziun	Art. 66
Promoziun d'uffants e da giuvenils	Art. 67
Furmaziun musicala.....	Art. 67a
Sport.....	Art. 68
Cultura	Art. 69
Linguas	Art. 70
Film.....	Art. 71
Baselgia e stadi	Art. 72

4. partiziun: Ambient e planisaziun dal territori

Durabilitad.....	Art. 73
Protecziun da l'ambient.....	Art. 74
Planisaziun dal territori.....	Art. 75
Mesiraziun	Art. 75a
Abitaziuns secundaras	Art. 75b
Auas	Art. 76
Guaud	Art. 77
Protecziun da la natira e da la patria.....	Art. 78
Pestga e chatscha	Art. 79
Protecziun dals animals	Art. 80

5. partiziun: Ovras publicas e traffic

Ovras publicas	Art. 81
Traffic public	Art. 81a
Traffic sin via	Art. 82
Infrastructura stradala	Art. 83
Transit da las Alps	Art. 84
Taxa sin il traffic da camiuns pesants.....	Art. 85
Taxa per l'utilisaziun da las vias naziunalas	Art. 85a
Impundaziun da taxas per incumbensas ed expensas en connex cun il traffic sin via	Art. 86
Viafiers ed ulteriurs meds da traffic	Art. 87
Infrastructura da viafier	Art. 87a
Impundaziun da taxas per incumbensas ed expensas en connex cun il traffic aviatic	Art. 87b
Sendas, vias da viandar e vias da velo.....	Art. 88

6. partiziun: Energia e communicaziun

Politica d'energia.....	Art. 89
Energia nucleara	Art. 90
Transport d'energia.....	Art. 91
Posta e telecommunicaziun	Art. 92
Radio e televisiun	Art. 93

7. partiziun: Economia

Princips da l'urden economic	Art. 94
Activitat da gudogn en l'economia privata.....	Art. 95
Politica da concurrenza.....	Art. 96
Protecziun da consumentas e consuments	Art. 97
Bancas ed assicuranzas.....	Art. 98

Politica monetara	Art. 99
Politica da conjunctura	Art. 100
Politica d'economia da l'exteriur.....	Art. 101
Provediment dal pajais.....	Art. 102
Politica da structura	Art. 103
Agricultura	Art. 104
Segirezza alimentara.....	Art. 104a
Alcohol	Art. 105
Gieus per daners	Art. 106
Armas e material da guerra.....	Art. 107

8. partizun: Abitar, lavur, segirezza sociala e sanadad

Promozjun da la construcziun d'abitaziuns e da la proprietad d'abitaziuns	Art. 108
Fatgs da fittanza	Art. 109
Lavur.....	Art. 110
Prevenziun per vegls, survivents ed invalids	Art. 111
Assicuranza da vegls, survivents ed invalids.....	Art. 112
Prestaziuns supplementaras	Art. 112a
Promozjun da l'integraziju d'invalids.....	Art. 112b
Agid als attempads ed als impedids.....	Art. 112c
Prevenziun professiunala	Art. 113
Assicuranza da dischoccupads.....	Art. 114
Sustegniment da persunas basegnusas	Art. 115
Supplements da famiglias ed assicuranza da maternitat	Art. 116
Assicuranza da malsauns e cunter accidents	Art. 117
Provediment medicinal da basa	Art. 117a
Proteczjun da la sanadad.....	Art. 118
Medischina cumplementara	Art. 118a
Perscrutaziju vi da l'uman	Art. 118b
Medischina da reproducziun e tecnologia da gens sin il sectur uman	Art. 119
Medischina da transplantaziun.....	Art. 119a
Tecnologia da gens en il sectur betg uman	Art. 120

9. partizun: Dimora e domicil da persunas estras

Legislaziun en il sectur da las persunas estras e dals fatgs d'asil	Art. 121
Regulaziun da l'immigraziun	Art. 121a

10. partiziun: Dretg civil, dretg penal, metrologia

Dretg civil.....	Art. 122
Dretg penal	Art. 123
.....	Art. 123a
Nunscadenza da la persecuziun penala e dal chasti tar delicts sexuals e pornografics vi d'uffants avant lur pubertad	Art. 123b
Mesira suenter delicts sexuals cun uffants u cun persunas inablas da sa defender u da giuditigar	Art. 123c
Agid a victimas.....	Art. 124
Metrologia	Art. 125

3. chapitel: Urden da finanzas

Gestiun da las finanzas	Art. 126
Princips da l'imposiziun da taglia	Art. 127
Taglias directas	Art. 128
Armonisaziun da taglia.....	Art. 129
Taglia sin la plivalur	Art. 130
Taglias spezialas da consum.....	Art. 131
Taglia da bul e taglia anticipada.....	Art. 132
Dazis	Art. 133
Exclusiun da taglias chantunalas e communalas	Art. 134
Gulivaziun da finanzas e da grevezzas	Art. 135

4. titel: Pievel e chantuns

1. chapitel: Disposiziuns generalas

Dretgs politics.....	Art. 136
Partidas politicas.....	Art. 137

2. chapitel: Iniziativa e referendum

Iniziativa dal pievel per ina revisiun totala da la Constituziun federala.....	Art. 138
Iniziativa dal pievel per ina revisiun parziala da la Constituziun federala.....	Art. 139
<i>Aboli</i>	Art. 139a
Procedura en cas da la votaziun davart ina iniziativa cun ina cuntraproposta	Art. 139b
Referendum obligatoric	Art. 140
Referendum facultativ	Art. 141
Realisaziun da contracts internaziunals.....	Art. 141a

Maioritads necessarias Art. 142

5. titel: Las autoritads federalas

1. chapitel: Disposiziuns generalas

Elegibladad	Art. 143
Incumpatibilitads	Art. 144
Durada d'uffizi.....	Art. 145
Responsabludad dal stadi.....	Art. 146
Procedura da consultaziun	Art. 147

2. chapitel: Assamblea federala

1. partizun: Organisazion

Posiziun.....	Art. 148
Cumposiziun ed elecziun dal Cussegl naziunal	Art. 149
Cumposiziun ed elecziun dal Cussegl dals chantuns.....	Art. 150
Sessiuns.....	Art. 151
Presidi	Art. 152
Cumissiuns parlamentaras	Art. 153
Fracziuns.....	Art. 154
Servetschs dal parlament	Art. 155

2. partizun: Procedura

Deliberaziun separada.....	Art. 156
Deliberaziun communabla	Art. 157
Publicitat da las sedutas	Art. 158
Quorum e maioritad necessaria	Art. 159
Dretg d'iniziativa e dretg da proposta	Art. 160
Scumond d'instrucziuns.....	Art. 161
Immunitad.....	Art. 162

3. partizun: Cumpetenzas

Furma dals decrets da l'Assamblea federala	Art. 163
Legislaziun.....	Art. 164
Legislaziun en cas d'urgenza.....	Art. 165
Relaziuns cun l'exterior e contracts internaziunals	Art. 166
Finanzas	Art. 167
Elecziuns.....	Art. 168
Surveglianza suprema.....	Art. 169
Examinaziun da l'efficacitad	Art. 170
Incumbensas al Cussegl federal.....	Art. 171

Relaziuns tranter la Confederaziun ed ils chantuns	Art. 172
Ulteriuras incumbensas e cumpetenzas	Art. 173

3. chapitel: Cussegl federal ed administraziun federala

1. partizun: Organisaziun e procedura

Cussegl federal	Art. 174
Cumposizion ed elecziun	Art. 175
Presidi	Art. 176
Princip collegial e departamental	Art. 177
Administraziun federala	Art. 178
Chanzlia federala	Art. 179

2. partizun: Cumpetenzas

Politica guvernamentala	Art. 180
Dretg d'iniziativa	Art. 181
Legislaziun ed execuziun	Art. 182
Finanzas	Art. 183
Relaziuns cun l'exterior	Art. 184
Segirezza externa ed interna	Art. 185
Relaziuns tranter la Confederaziun ed ils chantuns	Art. 186
Ulteriuras incumbensas e cumpetenzas	Art. 187

4. chapitel: Tribunal federal ed autres autoritads giudizialas

Status dal Tribunal federal	Art. 188
Cumpetenzas dal Tribunal federal	Art. 189
Dretg decisiv	Art. 190
Access al Tribunal federal	Art. 191
Ulteriuras autoritads giudizialas da la Confederaziun	Art. 191a
Autoritads giudizialas dals chantuns	Art. 191b
Independenza giudiziala	Art. 191c

6. titel: Revisiun da la Constituziun federala e da las disposiziuns transitoricas

1. chapitel: Revisiun

Princip	Art. 192
Revisiun totala	Art. 193
Revisiun parziala	Art. 194
Entrada en vigur	Art. 195

2. chapitel: Disposiziuns transitoricas

Disposiziuns transitoricas da la Constituziun federala dals 18 da decembre 1998 davart ina nova Constituziun federala	Art. 196
Disposiziuns transitoricas suenter l'acceptazion da la Constituziun federala dals 18 d'avrigl 1999	Art. 197

**Disposiziuns finalas dal Conclus federal
dals 18 da decembre 1998 davart ina nova
Constituziun federala**